

清容居士集卷第九

律詩

五言

次韵善之雜興七首

習隱漸成癖苔光綠映扉辟名常好絕俗任非日
落長鏡柄天寒白苧衣南鵬五月息戢翼笑羣飛
萬事不滿笑書林盡歲娛未須夸得意底用哭窮途細
雨看移竹秋風學繪鱸百年真急景醉入壁間壺
昔日登臨地狂歌祇自求漢宮空有恨吳女不知愁雲
葉寒沙霽江花古岸秋何人持鐵板擊徹舊邊樓
學道嘗無寐披衣聽曉笳精勤慕柏大詭幻笑藥巴丹

熟抽金汞寔明鍊玉沙微陽端有候一點應吹葭

善之近善

戲及之
卧游元不惡佳處絕榮枯雲憶東西寺山看大小孤行
年須白社失意付黃壚何事遼東鶴空悲景物殊
鄧子清如竹蕭蕭澹世情下帷憐草色倚杖愛松聲嗜
癖成書賈身窮付筆耕乘槎空有約何日海邊城
書聲連古巷疑是白雲廬吟苦眠料理塵深靜破除詞
華輕大曆風雅近黃初願我相知舊艱難愧不如

月黑

月黑斗杓轉昏昏古柳壕干振寒戍響窳堵亂烏號風

定歸潮急門深落葉高向來江上意無語獨蕭騷

次韵題林隱

移家鄰縣去住久不知年花擁檐前樹泉歸澗下田丹
芽承露浴石乳拾松煎擬欲題新竹才疎愧惠連

次韵上官伯圭夜坐觀梅二首

愛酒嫌劇飲天寒但欲眠烏啼千樹外鴈過一燈前霜
角悲涼調風幡自在禪平生江海意袖手送殘年
江梅元楚、冰雪搃相宜肯佐金尊舞寧辭玉笛吹天
心原自正地脉本無私不盡關山意巡檐與賦詩

題柯自牧救荒記

曾聞於越地千里草青、比屋呼庚癸連年厄丙丁已
傳青社記不用峴山銘近說天台宅新成太祝廳

壽高舜元父二首

喜見黃鐘月重推絳縣年雪窻溫鼎火春甕養壺天朝
市成真隱階庭擁壽僊時吟五字律獨立晚風前
玩易喜心清年高見太平杖扶靈壽穩松削養和輕夜
月前朝事春風九老盟初筵慙後至立雪捧深觥

打灘

老石太古色遊魚新水姿輕水養流汞急瀑散飛碁角
力誰為挽臨流亦自移南來多此意北望莫相疑

春陰

寂、春陰半南來未識花故鄉憶寒食細雨摘新茶物
色供詩句風沙入鬢華山林元未改客路獨烏紗

懷城南諸友二首

春至長為客愁多始憶君風程江北路水驛海東雲杜
宇深、怨餘醺淡、醺行藏曾共數不是故離羣
養性深辭酒全交澹作書寧知故人厚自愧後生踈春
入黃河道雲分碧鳥居江湖從浩蕩不敢愛吾廬

舟中雜書五首

野色連雲白春聲引樹清遊魚新浪急歸鳥片帆輕曉

夢三千里風餐第幾程萍蓬元未穩徙倚問天明
挂席踈星外停舟獨柳邊團團風始陣帖帖月初弦隴
曲沙成雪吳歌水拍天行藏有如此把卷獨悠然
春睡元無着鄉心比酒釀飛花空有意小雨不成容獨
樹疑新堠羣鴉侶亂峯艱難憐浩蕩散髮遂初慵
河落渾無底飄零挹客塵春洲蘆鴈少曉戶柝蠶勻京
洛饒豐稔江湖樂賤貧低徊吾不恨應有故山筠
桑柘斜陽道天然錦繡机雲容催溽暑花片憶春霏水
落新魚瘦風清宿麥肥歸程時屈指重午試生衣

淮浦

淮水奔如箭舟維岸屢移斷岡封馬鬣落鴈陣魚麗白
葦前朝界青帘古戍基亂離今已矣風物漸熙熙

立春日宿大清口舟中見新月二鼓雪作

春月如佳士翩欲上船相逢疑昨日一別又新年水
鏡心胸朗空輪體質全更深飛雪急直與鬪清妍

次韻陳剛中待制初秋二首

碧樹晚雲餘秋聲入客廬知公吟蟋蟀勸我憶鱸魚宦
味元無着鄉心得未踈清塵滿雙鬢蕭瑟不禁梳
岸幘倚書楹寒砧徹四城馬歸人獨語鴈過月初生寂
候虫急淒淒落葉清客懷誰與共搔首見參橫

送牟元通歸瀘州

西州人物論翁季擅清門已暗金牛路猶傳鐵騎孫巴
江雲不盡蜀嶺雪空存邂逅衣冠聚艱難得共論

夜夢作詩覺因足後韻

薄酒薄於水濃山濃似春梁間雙語燕天外獨歸人細
柳千重緒飛花一寸塵碧窓初睡醒新月寫清真

淮陰大風

極目虛無裹飄、萬馬馳飛蓬旋橐籥虛谷應墳麓春
樹元無着晴雲復自持倚舟沙際穩歸鴈得相隨

題温州太守德政詩後

海郡炎歊重涼風起素秋飛蝗分界去鳴鵠下陂游白
布官租減黃甘雅詠酬兒童多好語竹馬擁君留

次韻馬伯庸春思兼簡繼學二首

洛花千萬朵一一為君開粟暈排金縷酥凝爛玉杯美
人乘馬至仙子抱琴來莫學飛紅侶隨風喚不回
行窩春匝、下榻望君來雙玉矜嬌思聯鑣騁逸才題
詩紅袖擁傳詔錦袍迴羞殺高眠者楊花滿綠苔

送秦巖卿從事出宰北平縣

高秋右北平出宰樂時清白水前朝界黃雲舊塞城彈
琴看鴈過束帶候雞鳴不盡平蕪際題詩倚馬成

黃河口

徐州城西北隅與黃河相衝今從此南流

河落流沙駛茫茫禹甸周昔聞傳北載今已絕東流後
鵲辭高下輕鷗擅去留百年文采盡日落認黃樓

徐中丞母八十

謝庭森玉樹漢闕賜金花懿德傳家盛耆年舉世誇晴
萱當檻直冬筍隔離斜拭目諸孫秀翩翩佩紫綬

送張榮澤

歛板滎陽縣栽花接早春水新魚子散雪釋馬蹄勻政
可箋河伯何須詠洛神桑田今幾許除籍補疲民

贈璞上人住洞林

托鉢千巖裏松花凍未開哀猿依講席飢鳥下生臺潭
影留雲定鐘聲送月回山中太古雪為寄一瓢來

送周南翁集賢南歸省墓

搖曳十洲仙來尋楚尾船金花榮故里石筍表新阡江
橘團霜重冰魚鱠雪鮮堦前雙玉好行賦鹿鳴篇

潞公判永興游嵩之詩見於翰墨然卒與右軍
之遊汶大率相類名為造物所忌豈虛語哉今

見其孫璋甫佐西省甘棠遺思殆將見之

渭水落葉盡往來餘碧鷗龍門七十里鴈塔一千秋弔
古麒麟塚衝風驥驩裘寒蕪明滅處遮馬見君留

劉氏集慶堂

華構出層林春浮院宇深小桃分襍佩新鴈掠鳴琴石
乳千年潤松花百尺陰紫皇方問道那許遂歸心

送蘇子寧和林郎中韵

貂帽護寒沙冰天閱歲華
斷溪馳聽水密雪犬行車雲
盡難尋雁春深未識花
昔人竒絕處八月解乘槎

次韵馬伯庸題凌波僊圖

玉衣朝岱日寶瑟寫湘雲
宛轉鸞歸憶參差鴈過聞石
痕生左角松影印迴紋
倚竹憐雙泣摘蘭憫自焚
停驂沙磧近指點認昭君

伯庸以詩見屬次韵二首

學古陳言少官清雅詠多珠
玕明玉海寶鑑挹金波
易賴韋編定書疑汗簡訛斯文
今有託為我補嘉禾
聽君人物論閱世侶難多
學禮師倉海傳家繼伏波
看

山窮北戒指日爰南訛
彩鳳非無食瓊山自有禾

高掾祖父八十

心跡混漁樵門深絕市囂
花前歌舊曲燈下話先朝
白髮書千卷朱顏酒一瓢
有孫遊玉署從此樂逍遙

長春道士禱雨有應

清夜轉崑崙天雷卓午聞
平林千樹響古澗百泉分
門

靜堆黃葉山空聳白雲神功滿禾黍尸坐答爐熏
次韻馬御史題漢州喻氏多勝亭

花壓金橋重春風第一州江喧朝灌口雲擁護遨頭雁
落沙中渚鶻啼竹外洲使君燈火地為我倚高樓
時守漢州元夕
張燈金雁橋斷

次韻伯庸過天寶宮

松暝碧雲深鶴歸人倦尋朝迴香滿室祠罷月盈襟白
鳥分山影黃鸝轉樹陰小溪流不歇咽似鳴琴

送白誠之赴台州別駕

岩堯巾子峯市近海潮通桂樹團雲濕松花帶露濃猿

隨僧屐雨鷗送賈帆風盡道無王事持杯百過空

贈瞽者

尸坐包玄象虛窓萬籟沈聽泉知地脉候琯合天心風
之馬蹄急霜清葉落深弄丸端可學從此罷鳴琴

送成公履守光州

淮樹連空碧淮山徹底清濯纓羞戀闕佩印樂專城曠
網雲催泊提壺雨勸耕地偏王事簡教鴈寫琴聲

寄開元奎律師五首

開元古壇主盡日着袈裟社主勤供菜天神罷送花蒲
團黃葉護香鼎白雲遮終歲無王事繡經到日斜

開元古壇主老至律精嚴洗鉢魚遊水開門鶴入簾拾
薪供茗具滴露寫經籤已悟如來意看花不用拈
開元古壇主身世兩相忘客至嘗扃戶僧來不下牀神
光千里鶻玄辨九秋霜白業渾消盡蓮池任意香
開元古壇主瓦石化丹青侶住元非住無營類有營念
珠金的皞戒鉢鐵晶熒我亦慙塵垢清齋養性靈
開元古壇主幼歲已相聞我竟飄京國師方玩水雲一
官千日計萬事五更分共約脩蓮社空林洗垢盆

髻亂侍諸父拜雙峯祠堂未嘗敢有題咏二十
年來接武於玉堂瀛洲霜露之思缺然有覩近

聞平石長老興廢補仆光紹前聞遂述舊懷為

六詩且伸歎仰

沈大士閣千嶂萬夫降近樹青禽獨前松白鶴雙雲

霞生几席星斗列軒窓俛首京塵客生涯愧老龐

慚愧雙峯老光明兩足尊

新裝釋
迦佛像 午窓鈎竹影凍筆點

梅魂齋近烏啼樹禪迴虎伏門春來有新鴈勸我趣歸

轅

經院辛勤日千金記始興

創寺時以賜金千兩
經始今八十有四年 雨荒虫

蝕拱壁壞鼠緣藤舊觀丹青復諸天錦繡承短簷增突

兀會見出盧能

書來修選僧堂舊有術士言太高稗沙
門減其柱然清班亦不聞有顯者故未

之及

陰、虞監宅

虞永興

鬱、越公祠

掬水不入猷布金猶

受疑流年翁仲守往事苾芻知澗水交流處曾傳玉帶
垂

寒徹清泉底山童上水華定金非在井

羅暎羅尊者語傳昔有一女子

墜釵其煮米却成沙洗目能生電搜腸可當茶人持一

水遂定月去此月落誰家

跏趺千樹暝彈指百花春道以東岩的詩於北澗新歸

雲呈住相行籜掃空塵靈鷲誰公論啼猿正惱人

次韵張希孟凝雲石十詠

我爱凝雲好神交萬化前碧窓圍蜃氣黑浪哀蛟涎化

石知何代出山今幾年相從清思長寸穎起蒼烟

我爱凝雲好飛塵萬馬驅雄深麾將士峭直傲公孤断

足鰲分極摩牙虎負岨何年化霖雨慎勿竟虛無

我爱凝雲好雍容諫諍姿虛中超混沌正色走窮竒潤

物非無意成功自有時棲遯元未晚清坐愧神癡

我爱凝雲好朝昏境不同金芽養靈谷鐵網起晴空月

色古今正潮痕子午中點頭那有意吾欲問生公

我爱凝雲好神清湛欲留岷我千古雪泰華一天秋獨

鶴離羣皎層冰出澗幽無言有深抱山立正揚休

我愛凝雲好模糊老墨仙癡墓端食月渴驥欲奔泉守
黑壺中日談玄洞裏天烟霞元自足塵世未為賢
我愛凝雲好脩然一榻棲支机何物誕醒酒此君低香
遠能為霧泉深解作溪未須鄰綺角端可比夷齊
我愛凝雲好能歸萬古春遺簪三島客椎髻八蠻臣栢
子添清供梅花寫舊真天心元不動東海任揚塵
我愛凝雲好蒼龍擘峽飛振纓悲濁垢整珮謁清微歲
月江翻浪水霜玉韞暉黃塵今幾許且勿展書闈

山水圖

樹重雲光濕岑寒曉氣清抱琴人欲往門暗客相迎凍

雨生寒溜深雲倚怪藤蹇驢吟不得指點墨千層

淇綠堂

卜築荆溪下碧陰生晝涼軒昂丈人列瀟灑此君鄉月
候緱山鶴雲催嶰谷凰衛風朝夕誦底用別詞章

寄砥長老

雙峯不受暑傑閣稱幽禪蕉葉綠雲扇藤花白雪氈見
龍增澗水喜鴈點江天笑我開平客於今第幾年

送李希白降香武當山

絕壁通靈籟天香簇寶華重明應龍馬習坎伏龜蛇度
嶺金盤日穿雲玉佩霞道逢采苓叟應與論南華

送永新王東野還里

天際風花黑燈前鬢影蒼方刊肘後秘金散橐中裝某
樹童年種茲丘晚歲藏已忘朝禁事飛鷺起鳴榔

輞川圖

詩中傳畫意畫裏見詩餘山色無還有雲光卷復舒前
溪漁父宿舊宅梵王居千古風流在披圖儼起予

贈雪窓上人

少日觀滄海陰山恨未登飢餐太古雪渴飲萬年冰柳
色迷官道鐘聲動客燈

壽閻承旨三十韻

澤洗荒塵評論空餘子儀型倚重臣昂々霄漢表
皎々雪霜身滄海鷗忘慮長風驥絕倫名高諸彥辟德
盛後生親朗鑒中秋月天和太古春精忠言款々獎引
語諄々書葉題文債詩筒破酒巡筆翻金井凍詞吐露
桃新格律常楊陋篇章鮑謝鄰辛勤憐我輩銓賞屬斯
人南極呈黃道東皇挾絳輪霓旌紛旖旎香鼎秀氤氳

果熟分金母丹成養谷神心澄眸轉碧光瑩類浮銀物
色歸青簡年華閱大椿小車花外影馴鶴竹間真賀履
聯行整傳觴捧勸頻踈閒看遠岫虛靜傲松筠往事雲
舒卷流年時屈伸長生端可學靈壽不須陳

次韵仲章過陳氏城南書隱十韻

矮屋參差倚平蕪黯澹看夢迴榆塞遠愁絕翠峯寒白
髮游絲罨丹心古鏡蟠槐明金瑣碎菊鑄玉嶺岬憶月
時看劍臨風復整冠鄉音憐過鴈古調拂離鸞去矣歌
招隱終焉樂考槃晚知交態薄老識宦途難口腹非真
累毋煩饋一簞

入南城遇老醫言山陽舊事因成十六韻

邂逅山陽老相傳事已訛奸雄歸草莽天地入悲歌太
守籌謀誤將軍禮數苛韃橐同下吏騶御失前珂澳忍
顏如此憑陵事若何比肩身肯辱却立齒爭摩水捲寒
雲甲風揮白日戈耳聞人作贈眼見血成河翁霍同么
子倉皇類小瞞官軍奔及馬婦女走乘驟自古儒冠忤
難將杯酒和功成真草先公在宥府論山陽事去時
固後維揚論功咸謂偶幸時
至復我、漂母恩徒快中郎詠未磨荀羨為中郎遺也
將有北征詩遺也
迷鼈石鄧艾築舊浴暗龍渦土沃村、麥湖深處、荷人
生貴行樂何必問銅駝

壽致政王侍郎八十二韻

壽後標周士儀刑望魯儒
輞川饒咏賦璜水秘謀謨
壯歲丰神整明時
撫仕殊東曹誇鶻擊
公府羨鳧趨
審象三韓使
含章四皓圖
長身昂楚雀
正色叱妖狐
誓墓文何早
傳家計豈迂
鄉稱三老舊
人說二難俱
舍近分桃塲
田開別芋區
水邊時避飲
月下屢嗔扶
眼碧看山媚
鬚銀映雪癯
油車懸蹠蹶
楚服綴襜褕
社肉時相餽
春醪不用沽
綵衣新稚子
椎髻古奚奴
擊鼓深、舞茶烹
緩、呼花飛
迷去路鳥下避
行厨南極珠
分瑞東泉斗
借軒造朝看
賜杖入里記
垂弧翠栢根
如石靈龜息自

腴從今躋壽域底用詫康衢

壽年猷之大理卿七十三韻

氣槩岷山秀
風神閬苑仙
西州餘故老
南国挺真賢
瑞靄垂弧日
人思衣繡年
清門開耄慶
綠籍紀齡延
止息功叅易
虛心体合玄
厖眉垂素手
漆髮換華顛
今年七忽生兩毫
鳩杖何期賜
牛車不待懸
三鱣傳素緒
一雀髮重黑
記青氈
粉社爭為壽
蘭堦數擊鮮
風驟追廣莫
雲珮憶鈞天
往事清霜木
希音太古絃
五更尊礼絕
六老舊堂專
所居正六
老堂遺址
杞菊調饗鼎
丹砂養井泉
慵書乞米帖
羞辦買山錢
醉劇簪花舞
遊疲枕石眠
黃公終慕隱
白傳

且迓禪文物傳青史耆英入繪編弁山寒戢、茗水響
娟、望海傾朝夕瞻星候次躔登龍身未武執雉意空
傳福仄徒多恨低違祗自纏窮鄉真坐井陋室強懷鉛
夜月思延桂秋風學詠荃終然羞弱植復爾滯孤騫問
字瓶空在傳經席未前牛衣期振拔馬磨費評詮永柱
垂青嶂蠟珠湛碧淵至言机已息妙技日無全凡質丹
須換精誠溜合穿溯風翰善頌立雪異敷宣

壽李承旨四十韵

寶曆開三禩瓊章集萬神蒼龍迴插子玉兔候交辰潞
水丹騰渚壺閤氣接旻道傳莘埜正學比傳岩醇帝運

昌文統師臣秉國鈞清宮高贊畫潛却舊經綸意得超
今古才雄異等倫春浮霞錯落秋映玉嶙峋三執中書
柄重開大國酌黃鐘陽脉、瑶圃霧氤、仙鼎神膏秘
宮壺掌露真思醲錫麟脯味薄謝猩脣瞳碧光流漆顏
紅色耀銀垂紳凝泰岳設席陋平津手挈重華古心追
貞觀新至人專上壽八表樂同仁非虎耆年並猶龍祖
譜親息深忘蝶化机靜狎鷗馴蕩、心無競眈、俗易
淳極知調鼎鍊不惜汗車茵竹帛千年事桑麻萬里春
管商謀可鄙房杜跡嘗遵斟酌扶元氣弥縫護國珍倚
風憐竹弱聽雪喜松皴玉署親裁詔青蒲獨奉宸蜀江

移戍罷浙土減租勻榻淨唯鳥几堂虛且角巾手揮廷
下吏目送幕中賓習隱時思許題詩尚憶秦黍田溪溜
、花塢澗粼、問俗停車緩貪賢倒屣頻藥囊儲赤箭
水鑑徹青蘋滄海收毫末空林絕隱淪籍功文館定約
法論堂詢出處閑吾道安危佩一身政須陳蹇、直與
紀麟、績執慙班馬抽才頌甫申占天徒有管望冶眇
無垠閱歲桃成實知年海拂塵扶踈慙小草葱蒨託靈
椿

送文子方著作受交趾使于武昌二十韻

萬里蠻陬貢清秋督使馳乘車專述命受幣聽陳辭紫

舌音聲狡雕題聚俗滋玉門心愈遜銅柱約難移江漢
尊南服星辰拱太儀趨庭輸齒革授館列膏脂私覲情
鈞隱公言理折疵彈丸空有險束矢定無疑桂蠹消煩
溽著龜審事宜要荒工跌宕保障慎羈縻武寒汀遠
蒹葭晚岸歌壯游詩句豁古戍角聲悲月蠹朱簾正山
低翠浪欺班超空耿、陸賈政怡、楚水愁腸結衡峯
望眼眇過門王事急去魯驛程遲緬想垂衣治深求補
袞資大夫謀可利小客禮須持諭蜀徒煩檄平南漫擬
碑佇看王會傳端假使臣為

魯子翬御史分按遼陽作長律五十韻愛其精

密予今歲亦扈 蹕開平因次其韵

象御天街正烏輪海觀昇省方秋戒慎扈蹕歲因仍石
迸根駢木山迴勢左肱塵深疑帽重霧密覺衣蒸午頓
炊難熟宵征酒易勝解鞍心悵、執轡念兢、酪水分
罌並通薪箕斗升皮毛均製服脂腴或然燈統幕迷高
下烽臺閱廢興度閔泉水咽出口月華澄狼戾官芻峙
魚麗輝粟徵千房雲疊、萬竈墨層、列帳排衣甲行
營護棘矜旆旋環侶翼鼓發去如繩斗北瞻紅棧雲西
指白登草肥青穰極松聳翠峻增積雪疑忘象搏風訝
徙鵬屬車攢幄帳行殿儼苗憑白氎時逢賈朱衣定指

僧翠旄逼華蓋金甕耀觚稜觀闕天經界儀臺象緯凭
欽飛拳侶虎鐵杖足如能竹帛司常煥丹青職貢增會
朝珠帽簇錫宴寶卮凝陞立齊垂橐師行陋釋棚廣寒
通月窟高爽寄涼槽上聖英資異丁年武德弘天戈中
夜渡星檄百川承同軌嚴行夏明裡耻用鄩別州端首
冀分器定先膝德啓無疆服光傳有道曾皇威宣絕漠
陽澤散堅冰表正辰居所漸仁水集棚庭開下鳴鳳苑
廢罷飛鷹舉逸尊加壁掄才鄙販繒鄧林搜八柱瀛海
取三凌曲學慙繩祖孤聞賴得朋沈思雲外弋冥索澤
中習客議雞同鶴人疑驥聚蠅濡毫終有思執簡豈無

懲謂可兼遐邇胡云立愛憎清芬蘭佩結芳薦蕙散蒸
鴻筆吾誠忝輶軒子累乘共知心耿耿相對髮鬢、馬
磨誰憐許龍門共企膺枚生詞過實揚子德徒稱盛化
乾坤闢王綱日月恒麟符昭炳蔚豹霧駭超騰虛白難
為繪空青不受矰欲追千古筆為付一枝藤

王趙公八十應制十韵

耆德膺熙洽皇風協泰和公明旁作穆帝念叙惟歌粉
社新封土蓬壺舊隱窩黃公資輔翼白傅退婆娑望日
靈龜息擎雲古柏柯精神霞炯、儀觀玉峩、設醴樽
浮蟻兼瓊釜錫駝擁牀爭置笏立馬會鳴珂服食丹藏

井絲綸錦簇窠永須依日月何必問烟蘿

壽開府承旨十韵

泰嶽舒紅日天門爛紫霞氤氲生宰輔磅礴贊亨嘉文
武揚中外寬嚴接邇遐游嵩雲擁馭度磧雪飛沙畫戟
車流水青編筆有花精神春不老器宇海無涯玉殿彌
綸重金奎密勿華傳宣花侶斗錫宴棗如瓜上壽三千
歲元勳第一家山河開賜履早晚聽宣麻

劉邢公九十應制十二韵

賜履光華閱延齡冠帝畿氤氲秋霽嶽菌蠢露凝芝六
聖存遺老千官介壽祺傳宣鳩飾杖錫宴蟻浮卮餐玉

銀鏤頰簪花翠壓眉
灌陰机帖、擊壤樂熙、坐石雲
生窟澆槐水溜池
霜深風脫木冬暖凍消梨
往事先朝
夢多情舊日詞魯公
方拜後鬻子定為師
用拙長年櫟
虛心太古著成功
全靖退樂道過期願

次韵伯庸畫松十韻

妙思通靈素玄陰
接帝青抗顏躬蹇、蒙頂髮星、颯
爽龍羞泰蕭疎
雀鍊形壁虛生地籟斗近界
天經蝶夢
春濤湧出疑曉日冥雲生
停筆候風入倚窓聽屈曲車
連軫騰擘簾列庭戀鄉思
海岱封爵鄙雲亭月落孫生
嘯天寒屈子醒雄姿輕虎豹
浮跡陋鷗鵲

壽張希孟父郡侯八十二韵

古渭垂綸老康衢
擊壤翁星輝騰處士天爵貴
家公顯
氣西郊肅祥雲北渚濃
坐班鳩杖叟舞轉柘枝童
壽骨
英光聳厖眉厚德充九重
思誕錫三命偃弥翁麟紋開
華旦龜齡擬少嵩
簪花便廣顙植菊瑩方瞳
鼎釜兼珍
飫刀圭上藥融傳宣壺燦爛
合宴珮青葱積慶先猷遠
詔謀晚福豐靈椿培世範
玉樹挺家風正色通天闕
高
懷納楚宮倚風看鴈北
就日見雲東君父恩弥重
交遊
論盡同竭誠心冕、移孝思
忡、意壯追奔馬机忘
數
過鴻玄叅揚子衍書比
伏生工浩蕩漸摩澤昇平
塊北

功定須超混沌何必問崆峒

王叔能侍丞相入見王繼學尚書序其事謹賦

十二韻

行殿圍氈印奎輿擁翠簾重華方聖治上宰益勞謙
閣推公幹蒿萊擢孝廉官儀精考核選格絕停淹議
禮心如藪探賢手自籤都曹清望重瑣闥雅才兼
對榻褒嘉寵垂紳俯伏瞻傳宣桐酒錫拜命襲衣霑
令節薰風細皇恩湛露厭事殊靈壽杖賜比水精筵
際遇喧朝楚矜誇徹里閭遺臣思載筆往恨泣攀髯

清容居士集卷第九

清容居士集卷第十

律詩

七言

廉右丞園號為京城第一名花幾萬本右丞有
詩次韻

閉戶春深詩崇侵卷簾新燕掠清陰亭、梅月能消酒
蕭、松風獨和琴新筍未容穿石徑落花時許補雲林
王入妙手随机轉萬本姚黃磨紫金
禊日與剛中待制至廉園閉門不內駐馬久之

復次韻

雲鏤亭臺烟霧侵難將禊迹擬山陰花飛竹外疑紅袖

水度松間白玉琴駐馬客迴迷遠路倚闌人在隔清林
誰言洞口無消息一見應須直萬金

送孫道士歸杭

送鴈南飛十五年朔風吹雪上華顛梨花的、疑蝴蝶
燕子深、侶杜鵑東野先生愁外句西湖處士夢中緣
抱琴獨去知無奈一棹春江水拍天

次韵王寅甫侍讀莅醮長春宮

飄、笙鶴雨絲輕聽徹靈璈曲再成玉案香分花有影
瑤階松暝露無聲九枝燈裏開真景三素雲中賀太平
莫怪錦袍衣袖冷還家從此羨長生

蛻骨稜、侶鶴輕觚壇危處玉為成天街正候三能色
雲所疑呼萬歲聲氣篆通靈歸廓落心章祈歲報清平
金穰上瑞吾皇意不用神芝朶、生

題張宗魯編修詩集

鴈蕩峯寒晝飲冰碧雲為構玉為稜已除白髮三千丈
疑上瑤臺第幾層松頂露涼旋整鶴原頭火淨撒遊鷹
何人妙解精新句剔盡風簷一寸燈

送李伯英秀才歸廬陵

黑頭徒步謁神州款、飛塵鬢已秋日暮競傳鸚武賦
天裘誰解驪驪裘鴈聲未歇砧聲續燈影初消月影流

可是親知留不得故園清興起滄洲

次韵答周秀才

湛、玄雲起研山桃花為色玉為顏
溟鵬水擊三千里
天馬風生十二閑
芳草春濃堪試筆
長空秋盡獨凭闌
松壻翠影流如滴
遲子携書共往還

次韵成季灤陽見寄

客思如癡日似年
晚風投憤思悠然
看山不逐馬蹄去
得句時從鴈足傳
紅綠芰荷秋岸、
青黃蒲稗雨田、
蓴鱸有興愁無奈
欲問渾河下水船

次韵陳又新

登臺底用惜春菲
平楚微茫落始時
燒後斷碑遺鳥跡
耕餘殘壁隱蚕眉
泉分去路蕭、
玉山聳
蹄雲簇、
旗駐馬應須更搔首
遠烟迴鴈不勝詩

西湖空濛圖

奮隱湖山筆底收
相從京雒意中遊
昏、車馬飛花雨
寂、鐘魚落葉秋
千古登臨翻昨夢
百年歌舞漾清愁
何當化鶴看滄海
不用呼猿吸澗流

次韵張秋泉盆梅三首

萬里南來帶白雲
低回猶作自由身
孤根齧雪疑無伴
冷蕊餐霞別有春
顏憶西湖頻入夢
不煩東井與生神

相看歲晚真清絕疑是瑤臺第一人
深明閣裏江南樹老鶴翹翎似病身
紙屋藏雲團白雪丹臺朝日補青春
蒼苔有恨悲山鬼翠袖無言倚洛神
回首空林歸未得淒涼相對獨闌人
華頂空餘萬疊雲獨將清影伴吟身
虬枝欲扶窻前月驛信能通塞外春
底用施鉛鄰越女從教剪水恣波神
碧虛仙客清無奈留作新詩故惱人

次韵仲章游南城二首

瑤閣雲深野馬昏分明日月引天門
峯迴九鎖疑無路水過三义別有村
頗恠鶯花春不負却嫌雞黍約誰存

山童閉戶茶烟暝客至從渠未許論
側身天地苦不早愛此春從天際浮
北雪西山憐我瘦黃塵白日送君游
翩、目送雲中鴈杳、机忘海上鷗
今古登臨摠陳迹倚闌何事起清愁

贈王君佐

精神映日碧芙蓉直節昂、衆不如
十載長安心似水一官淮海食無魚
少年已擬治安策晚歲肯為封禪書
聞道功名須皓首鐵冠簪髮莫嫌疎

送蕭立道歸天台

華頂雲寒人不到煩君為上最高層
天雞正叫三更日

海鶴曾餐六月冰
客路微茫同脫木
鄉情依約近歸僧
還家莫作採芝叟
背負青天傲大鵬

送李景山使交趾

萬里雲南把一麾
日南重見使車馳
思家不作玉門表
得句擬題銅柱碑
象譯舊傳周禮樂
馬人遺俗漢威儀
枕柳溪驛疑飛雪
樹、梅花九月時

今古登九日書懷

烏帽衝塵鬢漸皤
黃花慵插獨婆娑
新霜去鴈天机少
落日歸雲雨意多
拄笏看山真我事
持螯把酒為君歌
登臺欲盡鄉關望
一徑松陰長薜蘿

尉曾道士

積構層巔聳玉臺
松花浮翠雪皚皚
終然一笑騎鯨去
可是長眠化蝶來
身外乾坤憐納芥
壺中日月隘浮盃
何人欲問先天事
隱几蒼髯換不迴

抵滄州先簡善之應奉

黃金臺上英賢滿
白玉堂中步武新
媿我清塵暗顏色
羨君碧眼映精神
春風未信看花少
午夜應知視草頻
北望五雲開曉霽
相思那得勝相親

送李彥謙赴西臺御史

百二山河驄馬游
西風渭水思悠悠
鶴翻古栢千年雪

鵲擊平蕪九月秋
拄笏漢陵尋玉鴈
解鞍蜀道問金牛
官曹朱墨何時了
一榻清吟是勝流

張虛靖園菴扁曰歸鶴次韻

招仙遊館構亭
萬疊松寒曉日青
玉局講殘春換劫
石臺丹在草通靈
紅羊赤馬悲滄海
白虎蒼龍儼大庭
為愛子喬笙鶴美
月涼時許夜深聽

送華道士降香武當山

神君壽與玉皇同
歲香傳第一峯
龍虎使來紅日擁
龜蛇靈在碧苔封
萬年松子天風奏
九節蒲根澗水春
博士文工成故事
石林為采玉芙蓉

送虞伯生降香還蜀省墓

玉雪祠官貂帽低
笑乘飛鴈上天梯
寶幡繡重團金粟
鈿合香嚴印紫泥
官饌每供千歲鹿
驛程深聽五更雞
流沙可是河源地
搖首揚鞭更欲西

丞相墳前雙闕摧
泉聲隱隱柏崔嵬
金牛已向秦中去
銅馬空傳渭上來
叢竹雨留銀燭淚
落花風颺楮錢灰
百年華表塵千劫
聞道曾孫始一回

再次韻

振衣千仞笑雲低
捫歷星辰履劍梯
度坂正須三尺箠
入關應笑一丸泥
神君祭重祠青馬
墨客才工頌碧雞

萬里遨頭端不負
花開緩醉玉東西
閣道新平舊石摧
望鄉使客意嵬嵬
犀牛坐見降王去
杜宇聲隨望帝來
三卯錄成竟有燐
五丁神泣劫揚灰
推醜欲作鄉隣會
揮手先催弩矢回

三次韵

觸石危藤壓路低
哀猿送客上丹梯
一百八盤雲亦雨
二十四番花似泥
解佩浮遊憐楚馬
振衣亭育聽天雞
拾遺已去武侯遠
空戀祠堂與漢西
時平弔古莫心摧
去驛斜陽指馬嵬
曲曲松陰隨帽轉
層層山影入杯來
草玄有意池留墨
觀象無心筋畫灰

為問丈人今在否
青牛穿嶺日千回

送王繼學修撰馬伯庸應奉分院上都二首

玉京高處雪流脂
連挿雞翹綠鬃垂
蹀躞有泥歌獨漉
琵琶無夢說相思
黑河舊樂催填譜
白海名花擬進詞
羽獵上林俱罷賦
卿雲何以報明時
淺坡平疊磧漫漫
拂嶺青帘卷盡看
氈屋起營羊胛熟
土房催頓馬通乾
捐官走驛傳金碗
冰正分奩貯玉盤
莫上鄉臺望南北
白雲微處是槍竿

寄王儀伯太守

維揚太守文章伯
故壘荒烟取次題
逆浪風高淮白上

寒沙雲落海青低，極知后土花如雪。不惜平山醉侶泥，跋馬使君官驛畔。揚鞭却在夕陽西。

壽劉承旨

茲審齡開希有文，潤太平玉杖造朝樂堯堦之化日。銖衣拂石歌舜殿之薰風，壽擁靈椿惟傳故梓敢陳善頌庸贊令辰。

稜、鶴髮映方瞳，玉帶桓圭一品崇。禁署清名行世久，高門盛德與天通。升堂衣並老萊子，做國詩傳衛武公。共道榴花且結寔，綠陰濃淡駐杯中。

孟習卿都事母八十歸省閩中其家四世科第

祖十五當金亡時舉進士終待制

鶴髮初開九、年東西雙鳳集庭前

乃兄官燉煌亦歸壽母

篋藏

龍榜金花澹案捧鸞書，鈿軸鮮竹筍清甘。且夕饌萱花芳遠傲春妍，風流文物閩中舊。點檢諸孫射策編。

送李元章宰陝縣

稅冕觚壇匹馬歸，冥鴻斜日悟天機。明時法律心常鄙，小邑弦歌願豈違。潁水初霜黃葉下，華山新雨碧雲飛。當今人物須公等，行見鋒車入帝畿。

次韵李伯宗苦熱

庭院無眠夜氣深，繁星閃、漏沈、祝融炊火翻初劫。

姑射疑冰易奮心
角枕雲蒸紋欲斷
蠟燈烟暖泪難禁
蕭騷忽作還家夢
翠木扶疎萬竹森

次韵程士安睡鶴

疏翎慵受朔風侵
谷口雲歸自在心
蝶化不知人事改
蟻酣空憶世塵深
珠宮胎息天濤靜
寶所神遊斗柄沉
何事驚鳥繞林樹
月殘衝曉議晴陰

次韵陳海陰

三月雪花飛作氎
春風侶欲駐新年
夢當好處成鳥有
歌到狂時近自然
村樹綠齊黃鳥界
海山青盡白鷗天
何人會得龐公意
布領長披不上船

次韵院長退朝書懷兼送李元章廟令三首

踐阼篇陳夙致齋
明良慶會叶榮懷
南山豹聳文章潤
嶰谷凰鳴律呂諧
黃閣規模深倚注
金鑿人物費推排
夜光照坐羣傾動
誰道驪龍左耳乖

朝回深坐碧雲齋
無限家林入素懷
整頓乾坤新禹貢
剪裁冰雪舊齊諧
觚稜望日紅蓮擁
蹀躞看山玉笋排
魚水正親那棄得
白鷗相對莫相乖

曾看蟬冠會宿齋
陽春玉雪映澄懷
黑頭瑞世須奇遇
白眼論交自寡諧
驪褭當堦身獨障
有乘馬入廟含桃
門者叱出之

薦廟手親排蕭、匹馬投山縣
人事相摧侶好乖

題鯁齋

蒙、眇、傲滄溟羞殺任公夢未醒寄館蠅鬚猶綺靡
深藏黍粒獨清寧掌中旋舞憐飛燕案上能行笑巨靈
惆悵九衢長劍客駢肩堂下慕遺腥

送東平程太守

泰嶽巖、鄆水清分符投老得安榮百年禮樂維時舉
比屋衣冠合旦評馬鬣奮封蒼檜老龍鱗古殿綠蕪平
高唐路近羊生泣東望憑公為寫情

送周南翁分刺池陽

柳亭松露十分甜秋浦天青鴈拂簷黃葉滿庭君吏隱

白頭掩卷我即潛風催帆影迷紅蓼江送歌聲入畫簾

惆悵九華金碧洞謫仙人遠月織

次韵雙頭菊三首

袖舞西風大小垂駢頭顯立傲霜姿步搖高擁車同入
笑靨初鈿生並移素質斷金疑並蒂閒情餐玉喜浮眉
蓮池睡冷鴛鴦起侶怨秋聲有恨離
碧雲低壓玉繩垂寫鵠交翔表異姿白帝司秋金已肅
黃人捧日馭初移蕊宮罷講扶雙髻桂館霜餘却十眉
賸掃雕搜兒女態象中明兩見黃雌
空庭雲盡露珠垂翠羽交分大雅姿氣服中黃心獨苦

光浮大白眼爭移智瓊有約徒誇額京兆多情却畫眉
桃李爭妍真不遜故留雙玉伴支離

閣皂山青玉軒晦菴容齋諸賢觴咏之地虞伯
生作記吳成季令賦詩

江南琳館蕭閒地一一新文付集賢真誥摠傳天外語
禁經未教酒中仙步虛巖近琅玕響礼斗壇空薜荔緣
諸老會文題咏絕誰將鳳翥續離弦

題揭曼碩詩卷

深湛妙思筆鋒收的冥鴻楚岸秋直以紫芝招綺夏
擬將白羽定曹劉松濤夜漲驚金谷花雨春濃爛錦洲

此意徊徨人未識期君翫月上南樓

送衛大隱回錢唐衛清叔曾孫

諤中丞骨已僊滄洲漁火起寒烟魏公賜宅猶傳笏

元子磨厓可賣錢夜雨鼠鬚編素業春風塵尾話行年

西湖雲鎖梅花凍休浪狂歌酌酒船

送華道士往宗陽宮

黑髮祠官佩水蒼萬松深處對虛皇黃柑有法能為酒
紫朮無飢可當糧招鶴舞虛山月冷檄龍吹雨海天涼
瑤池欲問長生事汲澗研朱寫綠章

剪刀草

手截溪流護翠苗層陰淡蕩碧雲嬌秋風玉殿釵留股
晴日朱筵舞折腰眉缺可能分燕尾頂荒猶解插雞翹
翻思徃歲南方厄羣采空陂恨未銷鳧茈一名剪刀一
也南方飢
雁尾尔雅乃是
歲采食

馬伯庸擬李商隱無題次韵四首

金縷歌殘月滿江玉顏曾憶侍油幢象牀雲重思專壹
鯨錦波翻賜疊雙春淺正宜氈作幕夜涼深恨鮪為窓
浣沙可是無靈匹側足寒溪澗石淙

翠簾匝、護朱光千葉宮桃滿院香閨苑有鳶通尺素
靈橋無鵲寄流黃上林賦罷歸巴蜀興慶詞工謫夜郎

不是月中親度曲世人那解聽霓裳
相期心侶石城潮日望晴虹結彩橋却月眉愁歌漸遠
凌波步近意非遙抽琴有恨迴清角疊袖無塵轉綠腰
弄玉最憐隨鳳去秋來誰與伴吹簫

白髮詞臣兩耳垂華腴堆笏陋牛醫宮娥引燭催麻日
院使傳更寫制時蠟灺化生秋夕賜翠標疊勝歲華移
低頭欲說唐朝舊願侍虛皇進玉卮

送浦如淵辭官南歸

厭聽朝雞擁被吟吳船水滑碧千尋平洲種橘清霜重
小墅栽花綠霧深瞿鵲真能談孟浪鷓夷端自愛浮湛

因君搖蕩還家思燭影秋房恨不禁

送李公敏薊州之官

幼看儒官佩楚蘭文章元不給飢寒風前禁馬停杯却
天際冥鴻拄笏看作計政須千樹栗養生那用九還丹
偏州事簡登臨足花下題詩更倚闌

劉婦表門

王中丞妹

空林露下菊無馨玉雪深闈養暮齡河水汎舟雲耿
湘潭鼓瑟雨冥冥夜燈孤鴈鳴何切古鏡離鸞舞已停
晚歲不須多感慨雙楹高亞柳枝青

永新氏義門

銀髮稜嶸鶴骨尊舊傳庭誥付諸孫要同公藝書芸館
還擬自倫標楔門春酒緩歌常棣雅夜燈深候鵲鷄原
他年欲向廬陵客詢是瀧岡第幾村

送柳唐佐出守懷孟

甬道塵深曉倦趨河山環挹暫分符花開屬縣詩頻賦
竹暗名園酒易酤積雪翠峯通小有祥雲朱邸接虛無
寇恂可是專河內入覲應須馬疾驅

次韵大亨待制賦院中御馬纓花

華林清切謝塵纒坐閱朱英不下堂九就當胸猩血淺
六駟飛翮鴈行長擎天力重朝承露向日心專夜斂香

清蔭正須容小草肯同羣卉闢妍芳

賦文子方篔簹亭竹影五首

篔簹亭裏畫天然穠澹疎明筆有玄水底青萍羞宛轉

月中丹桂妬婢娟錯刀側布難為贈鈎瑣橫陳不受填

午夜碧窻人獨坐分明清派出丹淵文與可號丹淵集

鎖窻午色墨花鎔側側低低隔面濃日映黃離金瑣碎

雲開白賁玉瓏鬆蕭疎忽印青禽獨倚旒疑分翠羽重

二子定知忘食色高齋今喜見遺蹤

霧縠禪衣絢翠裳倚風蕭瑟轉琳琅縱橫直欲攻堅白

濃淡渾疑搨硬黃劍氣低昂動天地神光離合幻陰陽

陶生久矣知形累歲晚沉冥託贈章形贈影

玄覽功深萬化遺一窻光透白差梳風櫛雨呈千手

却月橫雲鬪十眉形蛻已忘身有累神交應許我相知

暗中摸索誰消得阮籍途窮眼未眵

朔吹南塵久避招閉門白醉獨逍遙玉淵龍起鬚騰擲

銀箔蚕登繭動搖露井珠輝湘女泪雲屏翠暈沈郎腰

象中直欲窺三五肯學紛紛个字嬌画竹家忌个字

栗氏玩芳亭

納一羣芳入小亭嵐光霧彩思沉冥飛花成列粘棊局

高樹叅前列畫屏鶴避晚烟茶半熟鶯啼午日酒初醒

春風可是饒紅紫一片蒼痕眼倍青
送年景陽信州監征二首
風帽霜鞍絳闕邊晚隨陽鴈度新年
榻前劍笏家猶寶
架上經箱客摠傳
世事不知蒼狗變
机心端與白鷗眠
冰天車碾淮南路
痛嚼梅花一惘然
上饒山簇水精屏
江左諸賢冢樹零
鬼谷橋寒松化珀
仙巖土暖草通靈
丹鉛有法供烹煮
筍蕨無租給使令
盡道中年多作惡
相看髮影各星星

送巨德新四川省郎中

金鑿清密簿曹稀
拄笏看雲數鴈飛
蜀省地尊卿月重

漢江家近使星歸
草堂舊詠迷陳跡
石室殘經卧落暉
戰壘已從芳草換
未妨晴雨曉摩圍
退食公庭日未西
浣谿清雨換障泥
籌邊舊式傳銅馬
弔古新詩問石犀
荔子綠陰鸚武過
杏花紅影秭婦啼
遨頭雅集須頻領
不惜耶筍取次携

送樂德敬甘肅儒學提舉二首

磅礴坤輿搃帝圖
手提文印化沮渠
旋宮更問涼州譜
尚右時通梵國書
枸杞夜號端入驛
蒲萄秋落易盈車
飛沙斜日頻回首
歸鴈相迎亦悵如
月支城下泉如酒
祁連山前雪似沙
虎頭萬里飛驛堠

蝶夢五更驚塞笳
范老籌邊心磊嵬
李王堅壁骨槎牙
白頭太史欲歸去
時立東城數暮鴉

示從子瑛

聞子欲通靈寶秘
天台洞客眼深青
弄丸底問月清丙
服食那能老復丁
隔竹引龜心有想
按圖索驥術難靈
吾衰端有先天易
不用山中採茯苓

送王筍山聶道士

五月凌風鳧殼船
梁山深凜白鷗鮮
神清侶飲金莖露
病已何須玉井蓮
墨閣小春刊畫錄
碧窓新月補瓊篇
相親每憶相忘處
北望歸鴻倍惘然

人日立春子昂承旨賦詩次韵

鳳曆調元二節并
泥牛華勝得相迎
剪花欲擬丹心巧
綈菜深憐白髮生
日轉扶桑瀛海曙
陽迴析木歲華明
登高可是無芳思
歸鴈南來倍客情

帝京節物喜相并
挾日晴暄淑景迎
鳳輦雲開入共仰

烏輪海轉子初生

是夜亥正立春
明日交甲子

岸容梅柳風光動
澤

腹魚龍水氣明
誰惜玉堂春晝永
汗青無補若為情

書懷寄從子瑛二首

越公舊築鄞江宅
風捲飛火劫火新
子竟尋真餐白石
我方作史玩青春
金張螭綬本欺世
王謝烏衣亦可人

誓墓政須堅晚歲
双峰擁髻碧嶙峋
當年羣從玉參差
炙轂談天不數奇
剪葉舞空山鬼泣
唱籌量日曆人疑
深春柳下爭飛騎
小雨花前鬪奕棋
我最少年唯閉戶
篝燈煑藥學題詩

送李仲因雲南憲使

鋒車春倚少城邊
上冢還家思惘然
就日雲低天尺五
圖南路近里三千
相如作使文如綺
諸葛籌邊筆侶椽
自是蓬壺舊仙客
望瀛新曲鴈飛傳

送馮士啓淮東憲司幕長

遠涉江湖奉板輿
離亭柳色易枝梧
英標共擬崑山玉

符采堪鄰甓社珠
土竈烟高濕黃葦
沙溝水淺漲青蒲
煩君敏手須暮月
天際回朝認烏鳧

送李仁父歸高安

枝藤双屐玩青春
廿載登臨筆有神
東海競傳垂釣客
南山曾耻上書人
解凌水滑千帆直
禁火烟消萬柳新
從此閉門聞見絕
高齋顏樂養天真

送王繼學御史分司汴省

松階並對影參差
君竟乘駄佐聖時
每恨同情不同調
可堪相送復相思
楚山春夢行雲識
汴水秋聲落葉知
我老江湖盍歸去
少留定刷錦囊詩

院長有子在外從許州募得之院中率賦詩
袞繡門楣五色新明珠還浦竟相親月中碩兔分傳的
天上麒麟抱送真仙李盤根元指姓露桃食實始知春
青箱萬卷能傳業佇看它年演世綸

題東平張善父野堂

泰嶽當軒積翠環野堂高築稱身間深春藤榼花溪醉
小雨芒鞋藥市還九老尋盟歌窈窕諸孫勸壽舞斑斕
客來欲說人間事松滿疎簾月滿闌

贈姑蘇陳生

由東昌遇大水買舟
渡辟水者二千得官

清秋水落渺無津河伯登林竈有鱗用力定知非一日

論功何止活千人放龜晚歲川如掌渡蟻當年筆有神
堪笑乘輿溱洧者孤舟空艤竟摧綸

送鄭景尹遊麗水

冰雪長身映漆瞳岩堯深處珮青葱碧窓讀易猿啼樹
石洞題詩鶴舞空強項政須消世慮折腰元不為身窮
玉堂倚馬須英俊佇看鵬程振祖風

次韵院長新製安車

禁路縈迂雪護沙老來丞相許乘車向推紅日頭如葆
今看青天眼未花馬識輪聲嘶外厩鶴追轍跡過仙家
侶聞相杵新堤曲歷錄催朝扈翠華

送張道士降香龍虎山

天香歲下名山雪浦春融作使還
鶴引老樵渾碧眼
燕迎舊主的朱顏
雲浮玉珮身疑舉
霧結層樓手可攀
暇日須回侍郎宅
好題脩竹聽潺湲
饒州張待制族孫

寄貫酸齋侍讀

解珮瀟湘已廣騷
因風更望子胥濤
身輕舊食青精飯
思遠新貽金錯刀
紅蓼秋清堪教鴈
黃橙霜熟且持螯
龜趺林立嚴題品
得意那無一字褒

次韻蓬萊暢師

西山秋冷雪皤皤
駐馬頻聽出塞歌
短艇水生歸鴈急

故園春盡落花多
登山見月雲光澹
坐石臨溪樹影栽
海上故人机事息
詩來勸我老漁蓑

次韻天童岫禪師

太白峯高積翠明
老禪的一寄深情
相思沙磔惟懷璉
獨立鄉臺近子卿
舊業久荒松露立
浮名空眩槿朝榮
定須結社修真隱
寒月深燈了梵經

吳門頽上人年甚少訪予田舍且惠詩次韻

草舍苔深徑已荒
何人着履試初霜
飲冰唱石精神聳
煖石跑泉齒頰香
愧我歲窮驚浪走
愛君年盛鄙清狂
古松流水平生願
後會蒲團共燭光

冀寧徐母表閣

月落孤幃霜滿墀
篝燈深護祿中兒
肯為別鵠相思操
得見慈烏返哺詞
槐柳拂雲森宅里
芝蘭擁砌映門楣
高堂釘坐双眸炯
時說初年涕淚頤

清容居士集卷第十

清容居士集卷第十一

律詩

七言

過揚州憶昔六首

令威化鶴千年返
列子御風旬日遊
已信銷沉同此意
莫將寂歷起清愁
江流今古空陳跡
山色有無知幾秋
赫、當年成底事
斜陽明滅隱滄洲
漢東之國古隨州
一老昂藏死即休
黑髮虎頭真骨相
青春塵尾鬪風流
人言謝傅為朝鎮
誰信鍾儀作楚囚
浩蕩乾坤納今古
好將汗簡寫千秋
空遺蒸壤白如銀
不見當年指畫因
高視漢庭無出右

清談洛學竟成真極知羽扇為癡具更恨烏衣是偶人
六合車書端有意百年荆棘已生春

蕭、凍雨濕旌旄猶着殷紅舊戰袍金盃昔聞歸馬埒
牙牌誰肯信龍韜樓頭換箭鼓聲急堂上傳孟歌韻高
到底奸雄有真態木綿菴畔鬼車號

連檣米艦接江湄鞭撻東南力已疲虛籍漸成藩鎮
辟書嘗 廟堂移清風號楚黃蘆淨亂雨傳更盡角悲
從此甲兵端不用書生有味老明時

四城賦擬張衡麗十鑑書同賈誼哀
春秋納雲夢案頭今古起風雷青山不受折腰辱
公有四城賦腹裏舊尉慈溪

為郡守屬白眼豈知徒步回
乙亥間舟泊城南更回首
文翁劾去
此詩屬胡

觀物

寒風吹泪下天台
懷寧三省
黃河不信從天下濟水那知有伏流自古乾坤合神化
空將簡牘費冥榕張華博物身終死鄒衍談天舌竟休
我亦從今銷綺語春風碧眼玩沙鷗

客中端午簡善之

海城紅憶石榴新海子空看芍藥春節物侶憐遊宦客
風埃終愧醒吟人已無蒲酒澆情恨那用蘭湯浣素塵
健羨南坊鄧供奉團欒圍坐笑歌頻

再次韵

尚憶山城節序新
榴花疑是十分春
田園處、祠蚕祖
浙東以端午
祠蚕定絲價
門戶家、挿艾人
可怪詩書成白眼
却從車馬識紅塵
思家那侶携家樂
尊酒招邀莫厭頻

次韵酬王叅議

槐陰散髮亭、午花影持盃
拍、春佳節擬酌懷古意
清風不礙笑雲人
先陰滿眼消黃妳
世事忘言煮綠塵
相望江湖知已久
相親杖屨莫嫌頻

玉堂合歡花初開鄭潜昭率同院賦詩次韵

一樹高花冠玉堂
知時舒卷欲雲翔
馬嘶不動游纓聳

雉尾初開翠扇張
舊渴未須餐玉屑
嘉名端合紀青裳

雲憲霧冷文書靜
留取餘清散遠香
崔豹古今注青裳一名合歡今但名

合歡而青裳之名不著

笑壓春菲綠滿堂
翩、清暑獨高翔
錦雞朝日輕霞吐

彩鳳舒雲密翠張
中散舍傍銷綠綺
婕妤扇底泣黃裳

芭蕉可是無情思
一展隨風不解香

風流一老笑烘堂
解佩看花欲共翔
夜露未晞歸翼斂

朝陽初旭怒髯張
霧牕不用青綾被
天闕誰縫綠縹裳

朱槿黃葵效開斂
爭妍那得有清香

次韵鄭應奉苦雨

漏天有術那能補
息壤無功不願豐
漢一雲陰來委羽
昏一水氣接垂虹
吳門水車塵已逐油
泥黑龍火潭疑
楚燒紅萬里乘除
同此意相看咄一
且書空

觀間、齋紅梅次蘇公姿字韵四首

莫恨飛瓊花信遲
相看冰雪已芳時
蕊珠霞補春風面
萼綠雲開旭日姿
骨相未須嫌火色
精神真欲傲冰肌
何人瀟洒紅綾裏
巧暈輕煤画折枝
鵬底飛靈瑞已遲
天將絳雪報清時
施朱可是良工手
補袞端歸大雅姿
溜一溫泉傳賜浴
斑一辱并愧淪肌
閉門已覺寒如許
回首江南竹外枝

雲閣香温睡覺遲
不堪殘角曉鐘時
玉妃瓊屑難為從
青女鉛華敢弄姿
可恠鮫綃能幻色
誰將猩血鮮填肌
團一侶就迴文錦
薄暮凝愁下翠枝

筆底冰清落句遲
花神已報艷陽時
疎明不作顛狂夢
嫵媚猶存諫諍姿
酒力衝寒端着臉
枕痕破曉欲侵肌
道人不爱人間色
乞取初開第一枝

壽善之

二月柳青春滿枝
十分蕉葉不須辭
黑頭政謝赤松子
碧眼故憐黃口兒
玉井蟾蜍吞暗浪
錦袍蛺蝶舞遊絲
雲牕松暝文書靜
蚤晚行修楚外儀

次韻仲章遊長春

積翠中天下土昏坡陀深處轉金門松間不遇采芝客
雲裏空憐打麥村華表鶴歸城已換滄洲人去柳空存
高堂靈骨疑金鑲應許重遊得細論

八極端能合寸眸丹梯危盡覺身浮手持玉笛誰為贈
背負青天我獨遊山影西來疑駐馬雲光南去似輕鷗
人間底用重迴首樂極無愁果有愁

次韻仲章舟中思南湖

綠陰濃處彩毫揮忽憶春殘理棹歸約畧晚花團錦幄
招邀稚筍試斑衣長年客影如雲度五月湖光似雪飛

落、懸河巧發揮盤渦洄洑竟東歸苦心欲寄千年簡
妙語誰傳半夜衣楚馬功名甘却走雕虫翰墨愧橫飛
多言要是平生累瞪目相忘杜德机

玉色橫陳羽扇揮江湖邂逅侶忘歸終憐古調難為瑟
誰信天香不染衣汀草弄妍成背怨山雞炤影惜分飛
鮫人雨夜珠成滴清曉知裁第幾机

平生俗客手曾揮愛子清新欲倦歸北關正鳴蒼玉佩
南湖空製芰荷衣麒麟瑞世非閑走雕鶚呈空不為飛
薄宦政須成吏隱莫將奔逐墮危机

舟行將次淮南行復叙別而仲章歸程可還家

作端午次韵述情

曾憶登舟送客揮艱難何事獨南歸楚鄉水暖沉菰黍
江國雲深潤葛衣坡筍綠迎馴鹿過海榴紅駐小鶯飛
笑顏已極誰為語絕倒無嫌侶陸机

中秋次韵貴白

桂子香飄露濕中廣寒疑使月為賓流螢不受十分采
過鴈真成一點塵吹徹梅花天外思飲殘竹葉夢中身
靈河自有乘槎便擬轉神山閱爛銀

寄王叅議

輞川新樹綠勻勻睡起慵軒岸葛巾穿石養魚迴小隱

從此清林供笑傲莫看迴鴈損天机

再次韵

到手清觴不用揮滿川帆影逐風歸花前自憶堂前竹
道上重看身上衣虛牝鳴秋通澗急伏雌驚曉隔林飛
還家絕勝從遊樂只恐雲牕趣断机
倦客慵將塵尾揮倚蓬日日聽催歸澄波自映烏紗帽
小雨深憐白紵衣花徑春殘人獨立松林雲冷鶴孤飛
相思此地今如許萬里重迴且息机

次韵仲章過彭城

山影涵青簇、來周遭城角漸低回梁分曲直雙龍下

水合縱橫萬馬迴鑄冶已銷遊子俠登樓誰負謫仙才
淒涼正字寒如許萬疊蒼雲鎖翠苔

仲章詩律大進數日道中論詩亦頗相合復次
前韵以勉之

氣摩屈賈欲平揮格律論詩要有歸石髓定成千歲乳
藕絲空綴五銖衣寒原草盡蒼鷹攬涼月松陰白鶴飛
從此窮河天已近還家何用詫支机

仲章詩律已入唐人風調而下語猶未酬安殆
類唐人過橋斷橋之意近世學者類有此失仲
章德業遠大當不若是此殆其弄翰也次韵

盈缸釀秫補長春胸藏醫國三年艾天與傳家一角麟

蒼狗白雲今已定不應談笑卷經綸

玉堂文杏合歡枝共說仙翁賦有詩日暮團團空翡翠

兩寒點自燕脂塗鴉舊詔追遺事揮塵清談補雅詞

千古襟期誰與共相親那得勝相思

泊支家口望瓠山僅一舍復寄

天平水濶鴈參差下有高人坐不移懸榻定知延孺子
汎舟無奈似徽之晴雲滿塢開新畫落月穿梁想令姿
眼底憐才誰復近裏糧端擬話心期

次韵應德茂寒食見懷

寒食光陰君莫游，亂花羞別古枝頭。
山家蚕浴雨穿屋，海步魚腥浪蹴舟。
楊柳飛時疑是老，杜鵑啼處不緣愁。
詩來未盡相思意，刁斗寒清月過樓。

次韵史猷父春游夜歸

留取餘春伴白頭，落花如雪翠如流。
提壺不用頻沽酒，垂柳偏能獨繫舟。
過雨月開雲母障，隔湖燈映水晶毬。
還家已覺衣裳冷，遙聽鐘聲是竹洲。

戲贈黃仲正

好花不受丹青鑄，碧眼難將白黑分。
萬里宛駒出龍種，十年楚鶴異雞羣。
知卿未盡才難數，酌我毋多酒易醺。

午夜池塘有新夢，好將色筆寫春雲。

再用韵荅仲正

愛子十年燈火勤，相看不惜錦机分。
飛花映水空憐色，去鴈出雲終念羣。
一寸春霏生遠思，五更清夢了殘醺。
詩來陡覺秋濤袞，海嶼青飛片一雲。

泊彭城復懷黃樓

黃樓高下復誰識，白塔短長應得知。
萬里風烟歸傑作，百年雨露起深思。
文章自昔為時忌，翰墨於今作世師。
從此江湖掩蓬去，碧雲斜日數游絲。

泗水

泗水青於古蔚藍日依碧藻淨相涵遊魚細數心空羨
活火新烹舌自甘可恠然屏望牛渚底煩斬虎觸蛟潭
清湍混々歸滄海不惜臨流浣舊衫

歌風臺

長安殖醢恣猖狂頭白翻思守四方不悟宮中由呂氏
却憂身後有吳王老翁後嗣真癡弱游子故鄉空慨慷
千古英雄多此意荒臺清淺水微茫

清明

水落渾黃風晦冥不知節物是清明道旁新塚悲歡盡
柳下長亭聚散輕門靜鞦韆歸燕逐沙寒笊箸過魚驚

河南禁酒河陽飲醉醒相看總有情

宜遠樓

紫翠光中擁翠鬟分明倒影落西山遊塵自逐鐘聲去
過雨能將月色還萬里關河新勝槩一天星斗舊躋攀
絕憐想像空題詠後會應須共倚闌

李學士畫屏初成席上分韻得毫字

春樹織穠隱碧桃秋山磊落湧銀濤天邊雨露歸青障
物外烟霞入素毫有客支筇臨水徑何人解珮憶蘭皋
滄洲景物供題品准擬淋漓奪錦袍

次韻危公遠道士

驪塘族孫與
予為年家

筆勢翩、千丈坡一天清遠佩飛霞金莖欲採珠宮露
鐵箭能敲玉壁砂人物滄洲憐我輩水霜喬木擅君家
百年此意知誰會相視無言眼倍花
閉門積雪擁平坡誰把餘醺散綺霞挂瀑解裁天外練
熬波竟化海中砂机心着物那成語句眼論詩合到家
從此相親勝相望不妨渴墨醉成花

再次韵

家世清聲起諫坡江湖邂逅忽披霞新姿正侶三眠柳
妙語能為九轉砂杯寫黃封來禁道寔留白醉近仙家
慇懃懸榻何時下准擬寒空詠雪花

朱顏冰雪映瑤坡清曉朝陽漱碧霞神目豈堪容玉屑
聖胎端可化金砂碧桃有實誰為種玄鶴無心莫問家
可恠春風滿詞筆研池頻與滌水花

遊城南次韵陳玉峯

市橋水斷綠交加簇騎隄尋處士家坐聽虫聲行木葉
卧看雲影落蒼花清晨采露筠籠重薄暮沾春鳥帽斜
一徑寒英端手種好烹晴綠代煎茶

送真定任生

束髮從戎天外萍還家何事說飄零花前秉燭頭疑黑
馬上看書眼倍青倚劍獨憐今古月吹笳時憶短長亭

故人烏府頻相問一笑惟尋双玉瓶

次韵史允叟殘菊

白鴈西風幾夕陽故園牢落是他鄉獨憐壽客三秋晚
不受玄神一夜霜曉沐緩垂蒼玉珮晚妝愁帶紫羅囊
凝香深院誰消得時許飛瓊點額黃

次韵元復初簡危公遠

客舍光陰幾驛亭天邊白日轉重暝擬將竹葉留春住
共慰杏花隨雨零鶯入上林貪翠萼鶴旋華頂傲青冥
十年道舊元文學為笑無心似水萍

蔡逢原編修婦翁壽八十

堂、經學古儒風三世相傳八十翁靈壽杖扶雲雨屐
延年水飲月双瞳間逢好客猶花下倦憶前朝似夢中
閭社從今誇盛集重行彩袖舞杯空

次韵陳無我題石窓故居

烟雨歸來別有春支頤曾作笑雲人還家未信三千里
拂石今看第幾塵往事黃梁方就枕多情白髮竟沾巾
故園未覺秋容澹留取孤香次第新

夜別俞生

半秋歸夢常繚繞三十六雷烟樹重
謂山名台人欲
別祇看今夜月無眠更聽五更鐘青帘出市橋邊路白

鴈連天海上峯聞道還家有新樂不妨雲榻卧高春
次韵正旦會朝

閭闔春迴旭日鮮花光摇曳珮僊一金蓮滿下催初刻
玉筍班齊祝萬年香擁袞龍開黼座風迴笙鶴舞鈞天
朝元法曲誰傳得歸醉蓬萊話日邊

送山人還江南

白鴈南來愛朔風掉頭我亦一枝筇澄江去浪疑奔馬
古洞歸雲侶伏龍釣石水移黃葉滿丹爐烟冷碧苔封
從今不說人間事更上宮堯第幾重

次韵田師孟詠牡丹

積翠瑤京玉作層笑餐承露議誰勝腰寬侶称黃金重
心巧終憐刻楮能蜀客錦机流水浣茅仙丹鼎彩雲騰
道人香色都忘却月落空闌始一凭

交枝風動碧層一揮手芳塵謝不勝解帶暮雲真韵勝
歛襟午日是驕能取青媿白憐雕鏤抱紫迴黃合變騰
宮錦競傳新拾得沉香亭檻喚誰凭
紫府淵一十二層濃春如酒力初勝苦心侶怨鮫綃薄
敏手難誇羯鼓能雨立無言慙委靡地行何術可超騰
雲牕烏几誰消得時許飛瓊月下凭

次韵師孟西曹即事兼簡子貞儀曹

時議定
律令

盛世昭明復古初掃除弊事獨溫舒
牛毛置令心徒徧鳥跡遺文体
本疎齊相避堂憐獄市鄭人鑄
鼎泣刑書畫簾一度薰風曲
欲寫琴心愧不如蕭疎門巷
落花初楊柳陰中指望舒
辨拙莫窮三耳妄塵深坐見
二毛疎覆蕉得鹿非真夢
點筆成蠅豈悞書慷慨聽君
人物論雕虫我亦陋相如

次韻贈我眉侯道士築宮江陵

白苧藤冠自在身獨看潭影認
清真還丹已化千年雪玩易重
尋太古春楚觀江流通白帝
蜀山雲氣接青神冥鴻南北
疑無跡萬里乘風問世人

次韻陳貴白中秋見懷

玉入海上振衣來一曲清商
鐵笛裁碎露晶熒疑水立
橫雲缺落佀山顏卯君端有
鎔銀術西帝慙無斫桂才
往歲相思江北路夜闌曾上
望鄉臺

次韻鄭景尹詠梅十首

笑壓羣芳雪霽吟點妝詞筆
補春林衝風曳白疑含咲
映日抽黃轉苦心鐵石橫陳
羣羽避冰霜獨立二毛深
阿戎故是調羹種可為閒情
泪滿襟醉倚孤根散髮吟
它年鬲爵出園林黃鬚雅
相非凡種白面清談豈素
心湖月歌殘銀燭冷湘雲
弄罷玉龍深

疎明可是無春思
角曉霜清整翠襟
幽人為愛水邊吟
雪滿疎籬月滿林
魂冷不知莊叟化
神清難撓楚王心
寒蜂戀蜜須猶綴
霜螭含漿色轉深
千古湘纍詎無意
廣騷從此酌靈襟
手提色筆朗飛吟
雲佩衝寒入寶林
雅操獨高淹海角
微陽初動識天心
鏤冰嘗巧机猶淺
切玉疑神用始深
回首羣芳半粗俗
倚風三嗅為開襟
回首白頭悲故吟
清愁萬疊起雲林
東君密注非無意
北客相逢訝有心
絳闕雲低珠蕊迸
碧潭風定玉徽深
色香要是人間世
更上凌虛始散襟

萬里相逢得放吟
醉揩双目傲瓊林
龍沙慘淡明妃怨
漁笛淒清處士心
餐玉侶嫌玄圃冷
笑雲應喜翠微深
何人更作江南句
翻使兒曹競挽襟
欲看南雪倚蒼吟
點檢春風第一林
天與陽和誰借力
晚持精白轉虛心
冰蚕半蛻眉猶濕
凍蠟初銷淚漸深
夜半花神應有語
覆觴從此斷祥襟
梳風帶雨為梁吟
揮手唐昌陋鶴林
壯髮初生齊映額
童顏已就靜齋心
楚蚕成繭輪囷富
玉兔抽毫刻畫深
莫遣風姨強攘袂
故教月姊與聯襟
十分深酌十分吟
烏帽枝筇故繞林
月下無言疑背面

水邊獨立但傷心
珠成蠟鳳王郎巧
笙徹青鸞帝子深
歲晚自知誰與伴
風篁搖影互交襟

參殘霜急尚孤吟
恍恍神遊古蹕林
四皓局殘惟一色
三郎鼓罷了無心
珠游鐵網青琅潤
苔補虬枝壞衲深
擬把鸞膠固青帶
未須殘雪墮衣襟

贈潘山人

夢中得前二句因續之

布鞵青鞋今已矣
看山舊眼碧深空
憐石馬駐荒塚
不見金魚飛翠岑
地境有書穿石乳
土圭何術候天心
行年七十足稱老
牛卧前坡為指尋

次韵景尹醅醪二首

光陰風雨短長亭
花到春餘倍有情
翠蔓倚松超直幹
錦江綠酒錫嘉名
蛻蛟纏影青雲聳
么鳳啼芳新雨輕
白面郎君休翦綵
好將椽筆賦西京
不將名字博西涼
留取餘春在一觴
當辰珠衣迎面立
曲房寶鬢捧心妝
碧雲一色行明月
翠幄千層護夕陽
揮手朱殷空爛熳
敢將清思寄幽凰

可久齋二首

虛室心源百尺澄
深潭龜息養空清
一川鷗鷺古儀表
四海弟兄真性情
璧玉誰人傳至樸
鏞鐘何處問希聲
芒鞋直訪苕溪上
雪透梅枝鬪月明

三十六宮春不老何人月窟重推陳亭、倚蓋浮空碧
匝、空輪颺素塵郢客詞工端自苦海翁机息可相親
支頤擬問庖犧易笑指靈著侶有神

送長洲江都史

官曹無事日提壺一榻深明晝倚梧稻蟹水低歌拍、
蓴鱸秋冷夢蘧、長年簿領慚錐子晚歲生涯羨木奴
千里布帆歸思好鴈聲呶軋起菰蒲

昌上人游京師欲言禪林弊事甫入國門若使
之去者昌余里人幼歲留吳東郡遺老及穎秀
自異者多處其地以予所識聞若承天了天平

思穹窿林開元茂皆可依止遂各一詩以問訊
虎丘永從遊尤久聞其謝世末為一章以悼

入說江湖少舊僧懸崖深挂一枝藤采苓欲取千年鬼
擊石曾烹六月冰天上星辰端歷、曾中樓閣自層、
相逢止說前朝事知是松源第四燈
青鞋高挂天平壁指點雲門三兩峯禪榻已容黃葉覆
詩瓢從把碧苔封曉風殘月千村櫓細雨疎烟隔水春
我向京城疑老盡吳山清淺越山濃
獨木山寮不出門一瓶一鉢送朝昏巖迷鳥跡千崖泣
松吼龍吟萬壑奔掩息端如雞抱子愛閒屢見竹生孫

海門月落寒潮急，准擬乘槎與共論。
玉几峯頭第一枝，老禪吃我深知曾將鐵杵敲冰骨。
侶怪鉛刀割蜜脾，法外無心猶涉解。句中有眼即成疑，
袈裟不展蒲團穩。此是開元妙搃持，
我識虎丘三十年精神。霄漢鶻張拳，机當危處即燒印。
語到盡時難續絃，路涉西岐空有泣。谿流一滴竟無傳，
双峯古樹蒼藤罨。時有子規啼徹天，
手調千歲廣寒藥。擬補月輪蟾已飛，眼見昔人歸逝水。
心憐志士惜殘暉，孤花苦別生香樹。急雪深憐壞色衣，
為愛同鄉復同客。絕慚同調不同歸。

山人歸去意何如，八尺方牀自卷舒。
側岸采茶敲石火，隔峯翦竹溜清渠。
碧潭印月菱花鏡，白鴈橫空貝葉書。
後日相尋定何處，不于吳下即康廬。

次韵王繼學

蕭蕭寒雀下庭除，一榻蘧蔭是我居。
雪後看山双眼淨，風前攬鏡二毛疎。
退之掌制慚存橐，退之四十八歲知羣戶部一制予年相全亦草一制。
伯玉知非定止車，深愧年華增老大。
還家早注故山書。

除夜雪

黃雲黯淡夜如何，晚勢參差更駁娑。
着地不隨人跡亂。

舞空偏入麥苗多
鴉驚列炬穿珠樹
馬趁初朝映玉珂
歲律詎隨人事改
故將嚴冷轉陽和

元日朝迴

積素稜層厚載坤
天雞三唱日初暎
千官山立埽文石
六衛嵩呼徹禁門
花帽舞風喧法曲
椒觴承露湛皇恩
新年欲奉瑤池對
願借扶搖與化鯤
萬國梯航滿禁衢
卉裳象譯語音殊
鳳簫聲送織腰舞
雉扇行分兩翼趨
花氣欲浮金鑿落
雲光疑下錦流蘇
詞臣不識金泥秘
點指薇垣頌六符

偶述末章答繼學

承明三入並時流
俯仰深慙此地遊
誰謂東南無美箭
極知西北有高樓
韋編舊學陰陽秘
汗簡功深歲月修
三史如山詩思少
那能走馬過長楸
金鑿深處是家氈
玉雪青春不負賢
會見鳳毛能掌制
定知麟角可膠絃
浮榮芻狗寧居後
曲學雕虫敢避先
慙愧南州徐孺子
每看塵榻屢潛然

雪後

畫角初消已弄晴
曉看突兀眼偏明
寒窓駐景成虛白
凍樹裁春點素瓊
北戶埋藏疑有跡
南枝搖曳若為情
憑君欲問飛靈巧
水自白雲山自橫

送李署丞歸許下
春風得意故還鄉
月白霜清傍曉裝
燕頤定承新鳳詔
馬蹄猶戀舊鸚鵡
行谿邊父老忻相過
燈下兒童訝已長
我亦辭家經一載
青天歸鴈攬離腸

清容居士集卷第十一

清容居士集卷第十二

律詩 七言

送喻道士歸蜀

舊與內相李公為布衣交

鶴骨輕、碧眼鮮
五千言裏契重玄
定知德裕曾傳道
久與長源共學仙
金籙夜調丹井汞
紫衣春染御鑪烟
掉頭不說人間事
指點白雲尋醉眠

趙郡睦孝子真逸堂

青松手植已成雲
盡日庵廬不出門
屋角慈烏議晴雨
階前馴鹿候晨昏
清秋釀黍修鄉約
深夜篝燈課魯論
明世詎堪成隱癖
舉頭束帛起丘園

五老堂

鬚眉雪色古儀容五老雍、氣象同菊水之知延上壽
桃源今鮮識高風弟兄黃卷傳儒素娣姒青燈教女紅
慣說前朝征戰事醉拖筇竹數歸鴻

送河中段惟德應奉除西臺御史

千年青簡正紛如還着鐵冠歸故居妙筆醉欺紅芍藥
丰姿鮮映玉芙蓉過家上塚爭驚喜拄笏看山任卷舒
試上樂遊原上望綠陰芳草正扶疎

韓叅議家慶圖

叔祖暨父各九十

丹泉為醴菊為蕓的、厖眉侶畫圖萬石齒高勤澣洗

二疏年並得歡娛兵前父老難尋伴眼底孫曾總業儒
欲向碧桃花下醉斑衣紫綬兩相扶

吳成季父母壽八十

延陵季子古高賢雲耳于今壽種傳有道定知真有子
齊眉更喜復齊年蒼龍双擁宮醪湛白鶴重歸丹井鮮
自是君家多孝感玉杯甘露會羣仙

吳猛事親至孝有玉杯甘露之感

白雲平章致仕

曉看明鏡欲休、萬里功名陋虎頭絳闕直辭黃鵠貴
白雲終伴赤松遊侍臣傳醴真殊遇退傅揮金得自由
盛代東封催告礼更須元老侍垂旒

寄題成都李御史萬竹亭

亭一萬竹封侯貴聞說西州植此人風送笙竽聯雅奏
月留鸞鵠寫清真山頭密護千年雪地脉潛行八月春
舊譜言竹鞭欲上岷峨探遊事煩君指點浣花津
八月西行

送鄧君用教授歸廣信山

光陰那俟日懸車拋却荷衣即故吾置對直如朱伯厚

退休還侶邵堯夫白鷗遠水清秋鏡紅葉前峯落照圖

耆舊即今同逝水早將鴻筆為傳模

以謝疊山黨下獄

壽李承旨二首

兩曜迎陽合璧時郊君乘瑞佐昌期閣中像有功臣贊

圯上書為帝者師碧眼閱人如水鑑丹心許國有天知

歲周甲子今重轉消息梅花第一枝

清時得意恣逍遙雪色鬚眉兩鬢饒碁局春風深閉戶

酒樽涼月獨吹簫豹韜袖手終傳采鳩杖無心強造朝

門外種松今百尺它年為我挂山瓢

安西老人

方瞳如漆耳輪高喜見曾孫守碧桃鳩杖月明尋枸杞

鳳簫春暖醉蒲萄故入天上方蟬冕老子山中但豹韜

欲問汝南耆舊事且乘龜殼把雙螯

早朝興聖宮次韻

萬馬東西甬路斜
銀河初曙起宮鴉
天香隨輦凝三素
風絮沾袍點六花
銅史漏浮催卓午
玉奴聲轉進流霞
詞臣點綴瑤池事
底用秋風海上槎

次韵周南翁退朝三首

蹕道聲迴觀后皇
霞旌双引拂朱光
龜臺新按霓裳曲
獸鼎重然甲剪香
歌板遏雲穿泱泱
酒車流水度汪洋
重輪瑞世思齊聖
傳信應須屬子長
雉尾高張擁玉皇
彤庭金榜粲明光
舞階飛絮傳滕六
執衛傳臚轉阿香
珠帽簫聲双窈窕
翠旌雲影互方洋
侍臣誰近前螭立
願紀堯年化日長

蛾眉班立肅皇
一恰匝松陰
晒午光舞翻
當軒初進酒
表函登陞促傳香
六龍捧御雲中日
三象輸琛嶺外洋
欲識兩宮清淨理
薰風殿閣漏初長

和游岡子原韵

棠花澹一柳花濃
岡子原頭立晚風
三月雨聲人共喜
一樽春色我難同
麒麟卧草青山外
驀裏穿雲綠樹中
晚歲滄江情不盡
想看清淺數鳧翁

用早朝韵酬伯生試院見懷

玉署松深月半斜
研朱和露勘塗鴉
射熊心苦穿楊葉
吐鳳聲清飽竹花
過眼侶迷三里霧
騰身誰上九層霞

故人掉首南山去應釣秋風漢水槎

王晉詩酬周南翁子二首

小榻燈殘鴈影斜詩成重點墨如鴉

天馬追風剪五花郢客有才歌白雪

璿源自是天邊路不用贏糧學泛槎

碧箋長短鬪車斜玉雪青春髻似鴉

苦心端欲鏤冰花山中伐木鳴搏黍

健羨雲旒無限好慈烏雅鵲槎

送儒醫何大方歸信州

雙櫓鸞鳴埜水高天風落葉響林臯

空堂桂露流金乳

舊鼎鉛霜長玉膏丹府久虛存夜氣

山中猿鶴驚相問肯為緇塵染素袍

次韻周南翁拜孔林二首

陵廟陰森佳氣蟠湯沐泗接淵源研

履憶當年漢庫存手板文裁楷舊植

髮冠香守檜殘根

唐文皇以孔林楷木裁手板賜十八學士卿中張

叅政家猶存金亡檜焚士大夫斲檜根為韜髮冠

羣經日月行天地萬古韋紳沐聖恩

山簇平林埜水清整冠下馬得徐行

壇空尚憶風雩樂宅近惟聞金石聲

環珮齊趨文有度豆籩初秩禮為程

百年雨露同車軌郡國千官奠帛生

贈豫章蔡叡歸里

以卿舉不
中來京師

抵掌彈冠謝未能
立談白壁且擔簦
厭聽長衢三尺雨
愁飲深冬半片冰
冠蓋情傾年運往
簡編心苦歲華增
去來聞見冥鴻迹
岸幘雲峯撫大鵬

次韻院長題趙崇德修撰玉簪集

誦君家世倚樓句
不似玉簪留詠深
鳳髓獨傳天外寶
裏蹄端出水中
金停杯蘸甲難陪和
對鏡搔頭敢擬尋
可是因花攪情思
相君題品的知音

送朱本初往玉隆萬壽宮

聲華文采動公卿
忽縮烏絲出帝城
眯目簿書空汗漫

飛空樓閣正崢嶸
浮雲變態西山盡
往事灰心北斗驚
肯作蕉池談笑住
瑤壇笙鶴夜深清

寄城南友人

三入承明願已酬
蓬瀛又復接清流
碧牋時寫飛花恨
寶瑟曾傳細雨愁
夢繞故園追過鴈
眼穿鄉樹認歸舟
茶蘼落盡啼鶯急
慚愧羣公得縱游

寄史允叟

故國王孫佩碧蘭
春雲涼月倚朱欄
玉簫曲趁鶯聲轉
金鼎香隨蝶夢殘
碧沚波清堪把釣
黃塵風急倦彈冠
外家文采唯君在
笑我冰髭跨曉鞍

寄陳文卿

寔對平湖柳對門
隔鄰鐘磬送昏昕
水煎菊本傳家舊
醅壓桃花勸客醺
擬向蠻溪誇矍鑠
爭如月窟養絀緼
通家款說先賢事
兩岸書燈點一分

寄蔣遠靜

金紫家氈五百年
城南喬木儼蒼然
久知華屋慙卿長
肯向深盃品聖賢
虛白夜寔刊墨譜
硬黃冰研補瓊篇
年開六袞未云老
桂芥重修月定圓

寄鄭景尹

太傅東山卧白雲
經籬勤拾付諸孫
玉堂舊制毫芒見

黃闥深功百一存

舊見中興玉堂稿
惟傳位詔一篇

金盃宅深春雨暗

烏衣巷靜夜潮喧
桂花奇竹勤題品
莫學儒酸老瓦盆

寄開元思禪師

思公遯跡閭門寺
款下繩牀謝不能
露滴花光珠五采
月涵江影塔千層
石榴紅帽明如火
海艾青氈冷似冰
俛首西山人物論
獨聽孤鴈對殘燈

寄本中峯

天目峯前萬石躡
坐看晴晝白雲昏
山河有象百神泣
鐘磬無聲兩足尊
古澗老猿啼子母
荒鄰埜葛斷兒孫
空王法箴誰傳得
不展袈裟不出門

題郝伯常鴈足詩

深羈孤館鬢毛斑
猛虎搖鬣障海寰
玉樹已歌歸逝水
羽書難射隔平山
不須羝乳終回漢
肯學雞鳴詐度關

一寸蠟丸憑鴈寄
明年春盡竟生還
乙亥四月放還

霜落風高恣所如
歸期回首是春初
上林天子援方

繳窮海累臣有帛書
中統十五年九月一日放雁獲

者勿殺國信大使却經書
于真州忠勇軍營新館

送王景先赴燕南僉事
中統十五年乃至元十一年明年奉使還

一疏朝天罷柄臣
河南井邑萬花新
繡衣暫着明銀漢

青鎖初辭戀紫宸
朝膳平反娛壽母
露困直指活飢民

清時經濟須公等
佇見鋒車入覲頻

小院四月十二日牡丹始開乃算臺花也余將

上開平作詩示瑾

暖風吹雨佐花開
送我溧陽第四迴
內院賜曾傳側帶

舊賞花宴有大江南
畫不數重臺
徐熙牡丹無重瓣者
至崇嗣始有之重臺

側帶小側帶
迴黃抱紫傳真訣
婉白抽青陋小才
自是

婢之下者見
妖紅居第一
它年折桂莫驚猜
韓魏公牡丹詩自慙折
桂輸先手羞殺妖紅作

狀元魏公第三
王堯臣第一
初夏即事

斜暉庭院樹陰移
翠蔓交加靜對宜
幸有花王能引酒

慙無草聖助題詩
鴈隨雲影還鄉近
燕惜春光築壘遲

尊滿東湖嘗不得笑看羊酪寫相思

壽椿堂為王正臣作

嘉樹婆娑十畝勻笑扶壽壺日千巡風迴空籟笙竽轉
雪壓長柯鐵石新欲從六龍遮赫日佇看五鳳舞長春
銖衣拂石方成劫侶笑莊生說未真

送湖廣萬戶

壯歲軒騰碧海鯤英姿玉立映朝暎昔司魚鑰曾通籍
今佩麟符暫偃藩渚對紅蓮便羽扇岸臨朱橘傲清尊
郢宮疑在平蕪際為淪蘭湯些楚魂

次韵宋誠夫二首

風雨寒簷雞報晨書聲盡歲徹比隣食貧不作三千客
射策端為第一人吳郡壯遊追子美楚宮陳蹟酹春申
少年覽歷真奇絕侶勝宣尼厄在陳

蹇驢入局走寅辰落日相隨擬結隣鴻迹鉅編侔古帝
虬髯英貌想天人亥書深恐經三寫乙令何妨著五申
明世經綸須國士它年宣室願前陳

高內宰母漁陽郡夫人李氏表門

高門槐柳綠陰勻鶴髮浮光釘坐新繡出人間金孔雀
孕成天上玉麒麟萱花北戶丹心炯竹葉初筵素臉真
曾向瑤池侍清宴碧桃傳種六千春

壽劉彥良宣慰母夫人九十五

英、壽母步踰蹊疑是瑤臺墮地仙
眼見九朝全盛事身經三世有餘年
百壺傳賜黃封濕束帛加恩繡段鮮
指點斑衣聽訓語清忠報國紹家瓊

送湛禪師校經回杭

寒峯雲聳翠霏凝暫看青鞋侍帝庭
貝葉頻刊塵几淨天花新墜寶臺馨
雨翻荷露間鷗立風攪松濤睡鶴醒
絕世樞机真止水從今掩息畫堂扃

送雪竇長老校經回里

翠鎖松關疊、高坐看明月負金鰲
已將禪板傳心印

暫下繩牀披毳袍聖諦無聲机獨露
經筵有誤目難逃

塵中白髮誰消得歸掩山寮聽雪濤

送董教授之淮南主簿

為上都教授多善績

五月寒深冰滿鬚碧天雲冷竟何如
聽駝度磧心彌折隨鴈還家計未踈
禮殿競傳周籩籩論堂新整魯詩書
明年又作淮南客蘆荻叢深看捕魚

寄上都子貞伯庸繼學三學士

侍臣親切見銀河不用虛無八月槎
蟬報早秋歸木末龍拖殘雪度山阿
琵琶雲冷相思切蹠蹠泥深獨立多
今歲同行詩壘壯飛觥擊鉢正橫戈

遠客三年親友簡絕獨開元鄰僧以書茗相寄
廿載神京汗漫遊玉堂深處得無愁隨龍北上迷三伏
送鴈南歸憶九秋親友共嫌疎問信律師屢約勸歸休
南湖出日西湖月應許明年共泛舟

進史明仁殿書事

大帝仁功徧八寰敢將鉛筆強修刪寶輿花覆簫聲趁
黃道松分佩影環仗簇金吾開雉尾香浮黼坐仰龍
顏還家陡覺詞臣貴獨恨年深髮已斑

寄開元奎律師

雙塔亭、透夕陽芭蕉深處碧窻涼江神夜聽光明偈

天女朝分解脫香齋鉢午空鳥守樹經臺雲冷鶴歸房
平生欲結西方社侶恠淵明作吏忙

伯庸開平書事次韵七首

沉、梭殿內門西曲宴名王舞馬低桂蠹除煩來五嶺
冰蚕却暑貢三齊金甌醅重凝花露翠釜膏浮透杏泥
最愛禁城千樹柳啼鴉揀盡不曾棲

尚方新製玉東西一曲生香舞袖低閨苑春濃巾角濕
巫山雲冷帽簷齊前行按曲停檀板內直催宣印紫泥
可是年深慵應詔道人自愛碧山棲
身如病鶴倦梳翎往事猶存舊汗青伏日賜冰來上苑

晚風傳竹度疎櫺承恩裁詔心抽繭落筆誅奸眼拔釘
惆悵當今人物論披衣危坐望晨星
客子光陰疾箭翎徘徊玉署愧紆青當階翠影翻紅藥
連鎖回紋認綠櫺賦擬卿雲羞軋茁文追班馬黥灰釘
北門英彥珪璋重朝論詮量比秤星
的、新愁漲碧波可堪跋馬上危坡明知風伯秋當路
更候天孫夜度河沙磧共傳歌敕勒陰山那復見延陀
周廷王會須椽筆慙愧陳人奈老何
馬足曾窮五色河更將舌本品浮槎新聲促軫傳三疊
寶構懸鈴鎮四阿短榻鴈來愁不奈小牕人去酌毋多

白頭慵作東封頌願效諸生賦止戈

侍臣底用賦明河西海曾看貫月槎向矣伏蒲移塞外
終然加璧耀山阿羨君一鶚孤難並愧我双鳧數侶多
奮讀韜鈴工七縱裏瘡從此願投戈

送梅叔章官東流簿

江水東流八百里縣市南遷五十家寒蘆捲風散晴雪
埜燐照川成暮霞眼看平楚堪舉酒睡足高春方打衙
都官之孫詩有種玉板日給飛龍蛇

次韵景尹觀菊

輪郭團、漢五銖身輕疑食碧雲腴翠蕤建蠹烟凝紫

金粟搔頭露迸珠
初日正宜催玉立
清霜那使作銀鋪
城南兄弟空相憶
插盡黃花更插莢

託根不復辨殊方
朶朶參差列鴈行
映日巧心端補袞
迎霜生面侶含香
飛英獨佩疑湘浦
笑靨初鈿陋壽陽
惆悵千林正寥落
故將清冷鬪秋光

送杜輝卿還蜀

浣花谿上水粼粼
化治能為五色春
奇錦鶯穿金婀娜
粉箋花印玉精神
百年文物毛錐舊
萬里車書馬足新
仁壽堂前乾鵲喜
綵衣歌舞動比鄰

送石上人還江西

雙槩迴波沒復生
人隨帆影去還明
愁雲亂疊敷重席
寒月初弦挂半璜
漁泊汶橋烟樹暝
賈團淮浦海潮清
方林獨坐愁無着
萬籟笙竽奏九成

睡覺東西書燈猶明喜勉元達兼示瑾子

兩家聞見參差閣
諸老論思聳廟堂
莫畏大名辭繼紹
顏超凡子脫輕揚
文章正始師先漢
格律黃初謝晚唐
師友淵源端有緒
老夫推枕起論量

省中議事回元達有詩次韵

烏帽黃塵久帝城
紫薇深處得陪行
擬將直筆酬延閣
欲抱遺經進邇英
老去病多傳桂酒
秋來情重憶蓂莢

羨蕭、易水聲悲壯不盡襟期白髮生

馬伯庸以詩饋免次韵

閉門滕六散銀星對坐呆愚白玉屏琴匣冷光棲綠綺
壁騰寒燄起青萍凍雲縹緲迷圓嶠小酌無何入大庭
知我年來雙眼眊特分明視了殘經

十一月十四日駕至京城楊仲禮有詩次韵

金輿清蹕發龍城乾雪坡陀甬道晴師起晉陽戈盡倒
令傳代印轡徐行鸞皇合奏雲光過龍虎交章曙色明
欲認雞翹新法從駝車深處聽鈴聲

題馬氏先茔記後曹子貞求作自崇寧傳至今

圓帽方袍入帝都秋風惆悵意何如雪飛北口蘆花
絮鴈落南空貝葉書聞見迴忘双解艤行歲無住一蘧
蔭南泉安衆千五百從此跏趺滅太虛

送李巖夫四川譯史

玉雪精神映彩霞清秋馳坂忽還家心聲珠貫通三象
目力机深洞五紕青簡世傳端合繼黑頭早貴實堪誇
子雲猶有江邊宅好續方言振國華

紀生書經罷歸還里

烏帽椽鞋四十程壯懷鵬翼决南溟定須金匱題銀管
不羨鴻都寫石經落葉行階疑急霰流螢穿樹似疎星

白頭病客思歸切欲別無言酒易醒

示皇甫生

矻、窮年皇甫生眼瞳如漆映書明神清古鑑金莖露
佩襟寒英玉井璜暘谷久知螢燭陋丹山深愛鳳雛清
玉堂老叟端歸去龍榜蜚聲遲子成

再送紀生

荆国書臺有紀生眼穿紙背倍分明聲音襟比昭華瑄
跬步周旋夏后璜賦律意深慙篆刻詞華情近忌輕清
老來贈語多謬悞歲晚相期玉汝成

鄉友南歸客舍淒然再次韵

衣冠異代劫灰平眼見佳城歷變更曲水護田成委佩
織峯當戶侶疑兵玉蚕零落威王塚石馬縱橫晁氏塋
盛德獨傳三百載好將遺事述新銘

甲子立春

泰定元年新甲子天門上聖啓瑤圖日融凍樹青烟
簇土坼晴蔬碧雪鋪五鳳彩樓催羯鼓雙龍絳闕勘魚
符侍臣廿載題春帖從此歸休拾澗蒲

瑾次韵復成為隱居計

京塵二紀榻蘧蔭近喜家兒報宅圖移石近堂雲亂擁
栽梅當徑薜重鋪留春定合箋花譜品水應須置竹符

晶、南山看積雪青、古澗玩新蒲

病中玩易復次韵

丙寅老人五十九猶是先天第二圖桃竹杖輕藤杖換
蘆花絮冷柳花鋪當陽山立隨羲御後夜尸居奪晋符
已識羲皇真太極不須黃獨與蒼蒲

三次韵

濟勝閒身倩給扶家林應許畫為圖空巖有象飛泉舞
古徑無蹤落葉鋪壯歲思仙尋火記暮年制氣習陰符
松花一七能消得猶憶南州筍及蒲

武氏母八十

玄髮離、聳黑鷄桑田滄海事如麻魚穿水腹宜供饌
泉躍江心可煮茶烏繞楔門爭玉樹鸞開錦誥印金花
閒居欵效潘郎賦準擬家園製小車

安山曉泊

兩袖飛仙舞玉龍曉來朝嶽日華東門當楊柳灣、碧
水貼芙蓉岸、紅隔艇茶香知楚客連罾魚熟總吳儂
白頭已忘干戈事不用乘軒問土風

發御河

一棹黃流去復回飛沙積岸雪皚、梨花亂逐沙鷗起
燕子深隨埜馬來晚歲宦情初岸幘暮雲鄉思獨停杯

茶蘼滿架留春住，知我將歸為緩開。

次韻砥平石

金門吏隱愧相如，歲月逡巡翰墨疎。
拄杖筇有時看白鴈，濯纓無復戀金魚。
倦遊築室成真隱，作意還山了舊書。
更與老禪深結社，平生黑業總消除。

次韻謝定水

禪板蒲團振祖風，故將妙語起衰翁。
青氈舊學慚多闕，玉佩清朝愧罔功。
直以簡編窺往聖，敢將翰墨擬宗工。
壯年永感辭庭訓，晚歲何由繼五公。

次韻昌國宗聖上人

海上秋潮候月生，島中瑤草不知名。
每思大士超禪觀，獨恨秦王苦望瀛。
龍吐戒珠殘照影，鴈橫梵宇故鄉情。
妙年碧眼才翻錦，為念衰翁強入城。

贈徐秀才還里

西風擁騎出前郊，紅葉玲瓏透遠坳。
家近不須傳鴈帛，縣閒曾是用牛刀。
蜚聲展綵春眠柳，文思裁珠夜泣鮫。
師友淵源吾豈敢，會看翡翠聳林梢。

送劉明叟治鹽事還省

海上銀沙百鍊成，年來飛騎走縱橫。
人傳一馬二童至，春在十洲三島生。
烏帽多情簪菊蕊，瑤琴有意送潮聲。

經綸滿腹須時用早上囊封致太平

次韵荅西山道逢原

招提遠在岩堯上曾有耆龐說法來
灑玉泉澄戒鉢團翠柏護經臺
平疇隔水橫碁局遠嶂飛空擲酒盃
聞道幽人經論罷支頤掩息獨徘徊

送章仲和教授之官池陽

亭秋浦玉芙蓉無限樓臺落照中
定見揮毫題妙句更須拄笏繼高風
當年故壘遺金簇此日清谿漾碧筩
人世机心何日了持觴為酌九華公

梅隱齋

萬蕊疎明鐵石堅肯同餘卉鬪芳妍
青雲覆幕冰承柱白玉為堂雪作氈
橘叟不知身外事壺公惟識洞中天
何人欲問調羹法一榻蒙頭謝醉眠

次韵鄭景尹重九四首

年々京國度重陽禁路風高徹骨涼
坐覺衣寬藏宿土行疑靴冷怯新霜
紫萸曾憶童時佩黃菊須看歲晚香
惆悵東山在何許挑燈無寐坐方牀
無復金狨與覆鞵屢看秋月缺還圓
風塵自覺真衰矣勲業深思盍舍旃
烏帽塵荒憐遠客白衣酒熟慰癯仙
深慚涉世脂韋久強項何能效董宣

還家兩歲見重陽
過鴈橫空拂曉涼
尚憶傾心朝午日
欲將勁節拒朝霜
禽魚有樂隨天性
蜂蝶無知戀晚香
從此林間端見一
不妨枕易睡匡牀
久矣懸車徹坐羈
天机渾沌黜方圓
披沙經窟知非矣
秉燭書林尚勉旃
愧我詞華端近俗
愛君詩律已通仙
門前種菊高如許
亦欲紛披五采宣

齋前海棠秋日看數花
瓊首賦詩次韵

四山紅葉報秋殘
駐目家林認未端
螢點流星驚乍曉
鳳啣初日怯輕寒
鮮一敏手攢新錦
炯一芳心吐故丹
西帝已能回溘景
為言莫作杏花看

金祇當御衆芳殘
忽見竒葩表樹端
霞臉已拚千日醉
絳唇自怯五更寒
燈籠錦就霞衣帔
箭鏃砂成寶鼎丹
政此淒清端慰藉
停杯擬作百回看

次韵吳門聲上人

翠樾經院多高人
景德寺有翠樾經院
碧牕點翰五采新
天机不受梁燕語
逸興直與江鷗親
羨君解衣浣流水
愧我束帶陪紫宸
屈指當今人物論
從此有約同垂綸
至人天隱樂有餘
良工不願為雕璣
昂一盤石大坐相
杳一歸雁旁行書
白蓮解結碧雲座
綠蕉不羨青葱裾
道人繡經悟空假
始信塵世非真如

憶雙溪

清谿明處水交流萬井鱗、冠蓋稠杯凝玉光明月入
幕遮翠影落花留雲生古洞千山雨風送層樓萬壑秋
麗澤祠前最佳絕藕花零亂勝滄洲

寄張希孟內翰

君方習隱食翠柏我亦采真歌白蘋千嶂遠樓堪岸幘
百泉當戶足垂綸蓴鱸水濶滄洲晚稻蟹田肥澤國春
日夕相思看過雁客來無惜寄書頻

清容居士集卷第十二

清容居士集卷第十三

絕句 五言

信州招真觀二十八詠

小隱巖

山鬼小兒足木精游女神據會學真隱下視飛花塵

馨香巖

深睡失明珠猛走飛流涎松花卷輕雨滴、百重泉

學堂巖

露盤下金薤雲笈流珠纓冷、寒岩下猶有嬰兒聲

鬼谷巖

縱橫太古石短長千歲藤感彼巖居子獨飲古澗水

寥々入太清金門繚紫垣或云有官府微誦五千言

釣臺

垂綸落澄潭小魚儵然來大魚引之去釣石何崔嵬

一線天

茲山可容天舉世皆笑之我不答此語鼓腹支其頤

五面石

分一只成五々石各有一誰能據其上面々不相失

寒月泉

曉汲寒泉清明月各在岳々空不見月引水復在手

金沙嶺

金沙雖為貴履之傷我足愧彼側布人欲獲無量福

長生池

飲水人已去山中多白頭青蘋空淺處時見玉蟾浮

老人峯

高帽側整々秀嶺深重々積此太古雪遂名老人峯

三山石

三山不可度絕壁峙書堂流水日浩々太極彌茫々

磔潭

沉、無底谷央、太古雲赤日焦下土老蛟眠不聞

三山不玉簾泉

截玉作明簾不知簾外事應有碧眼仙隔簾見人至

石人峯

餐玉未得法變形成楚囚九轉乞換骨三沐期點頭

僊足巖

山深猿狖驚瞬息下神步空飛本無蹤長嘯上天去

月巖

碩菟樂嬉遨入地不得騁化為白玉泉彷徨返東井

雷公巖

神鈞起空洞陰火生羽翰我耳若不聞白雲在天冠

道人巖

道人本無姓對客那有言龍口迸石髓鳥跡開雲根

丹井

金鼎閱寒泉真火彌不壞年深定飛騰子夜吐光怪

洗藥池

靈根乘月吠肉芝生土肥濯以上源水千歲永不飢

鳳山

孤飛千仞岡兩翼化為石年、春風時山花成五色

風洞

罡風轉空輪浩劫不停息此為天地根視之杳無跡
逍遙巖

形留非自在何者為逍遙青松在谷口白雲在山腰

長廊巖

飛吟起霞珮馭氣躡天梯碧雲布參差織脩與巖齊

龍口巖

弄月紅玻璃匿雲紫芙蓉近已厭狡獪納息玄虛中

靈湫

靈龜道其前游鯨殿其後歲久深自韜清夜巖下走

朱窩楊柳青地近滄州余愛其名雅作古調五

首

朱窩楊柳青明日是清明地下不識醉悲歡總人情

朱窩楊柳青客亭塵漫一為你多離別我生無由完

朱窩楊柳青黃河湧如注還俟飛絮時相同入海去

朱窩楊柳青自愛青一好亦如送行客相逢不知老

朱窩楊柳青桃杏鬪顏色顏色雖不同時節各自得

墨蘭

飛瓊散天葩因依空巖側守黑聊自韜不與眾草碧

仙人紫玉枝化為水蒼佩獨立搖落中秋風得相貸

次韵宿清風軒澣浦正覺寺

天風淨雲衣海眼卷石髮醉起撲殘燈獨看端正月
石湫二水橋

寧為千丈清不作一尺渾古語有涇渭橋水何人分
虛一

欲問鴻荒事何如鰲極時三、與七、在手不須知
題應德茂遊吳紀事二絕

澗束冰泉咽松懸月露清何人會真趣細坐與君評
聽鶴鴛湖曉呼猿鷺嶺昏十年南北恨無語獨銷魂

雲鏡
團、白玉光直入寒奩底昭徹誰為容空飛本無趾

霧香
含章楚澤東晚思淒冥、剖之久不食三嗅揚其靈

竹西

前導扶桑日廣招閭闔風天心須正位不必問西東

雙鴈圖

秋風限南北何事往來頻並宿寒蕪際應憐自在身

六月二十四日夜夢剡源師同游山寺主僧延
入丈室出梅花畫卷賦詩旁有胡用章先生坐
主僧下時剡源對席僕居其次案上綠竹一枝
青翠可愛剡源賦詩楠即援筆

一白不受采重玄今罷論忘前有綠竹密雪打黃昏

漁樵問答圖

翠嶺邀黃鳥蒼波玩白鷗偶因平地坐始識世間愁

新安郡嶺南十詠

清江釣月

神魚竊金液為龍復為光平波無織雲有餌不肯嘗

空谷耕雲

斜側龜背戲高下魚麗圖阿童踵其後黃犢為前驅

蒼峯卓筆

仰手判虛空昭回爛星斗遂令山下泉復作之玄走

碧嶽舒屏

古藤青步障曲、靜相宜春晚巖花發生綃印折枝

楓林巢鶴

絕頂秋聲急盤旋作我家不須金掌露且服赤城霞

雪澗浮龜

飛湍齧雲根千載見五色中有九九、文舉世人不識

峻嶺扶車

前行已可戒後行復何如懷哉王陽生靜言表其間

圓岡揭斗

晞髮步上帝空巖泣山妖歷、化為石喬松導前杓

古寺垂虹

飛虹飲長澗垂首不能收僧從背上行水流橋不流

雙溪合璧

鳴玉抱山根上有金蟾翁指揮鐵如意化為雙白龍

子昂蘭竹墨戲

玄霜落銀繭飄湘江佩服媚疑熟之碧窻靜相對
迸地麟角精摩空鳳毛聳寒泓散晴煤桃李爭色動

題龍虎圖

玉淵發靈籟摩盪超九天調鉛靜召之帖首在我前
寒松翳幽篁得意當路隅急以真一永坐令侍瓊瑤

墨竹四絕

蹇、凌雲志霜餘節更存春風宜管領生意屬兒孫
奮雷初出地承露已凌烟願從朝元駕為旌拂九天
直道犯無隱虛心明且清側身思遠舉巖壑養深情
曉沐換新綠萬采成空塵守黑心不緇同道彌真雨

墨蘭蕙四絕

金明秋林清月白楚天碧美人眇愁予服媚永今夕
采芝不成仙食薇難療飢結茲以為佩臨風酌湘纍
天香落銀楮秋聲入玄筆何如湘夫人促軫鼓靈瑟
組綬何承、排珠復纍、相視不以色紛披映簾帷

題悟律師詩卷

萬樹叢雲裏千巖急雪時世塵俱不到端坐誦君詩
壞衲翻經帙匡牀點律科看山無限思一一付吟哦

子昂枯木竹石圖

亭一木上坐楚一湘夫人因依太古石融液無邊春

六言

厚齋先生以詩借玩辭次韵

項子沈冥學古芸一萬變觀爻閉閣清香宴坐斯入端
可神交
已悟長生坎離更窮逆數先知補亡已滿三篋問事誰

携一瓶

題湖曲小景

穆陵御題詩句

流水無言寂一落花有意絃一往事空餘華屋倚闌愁
絕江南

送鄧師禹歸龍虎山

小帽飛花一寸輕舟流水三分落日獨歸洞口隔溪短
笛猶聞

獐猿圖

細草豐茸古洞斜柯歷落寒雲信道乾坤消息端須類
聚同羣

孤雲

在水同源一色出山萬緒千條欲趁騷鸞整、更同莖
鶴飄、

我揚靈
規矩方圓在手輕清重濁隨形宋子不須苦賦屈生為

白鴈侶憐片影碧潭深映無心獨上紫霄峯半參差吹
徹飛吟

題陳文翁畫扇

淡、孤花欲笑娟、雙蝶疑愁無奈寒蟬得意竟專落

日啼秋

題美人圖

西施

辭家已意存越入宮誰解圖吳故苑秋風麋鹿扁舟夜
月江湖

昭君

鬢影愁添塞雪花枝羞殺宮春誰道佳人傾國解從絕
域和親

馮妃

目送亭、秋水腰迴款、春風為問下車搏虎何如御
坐當熊

班姬

望幸眸凝秋水倚愁眉簇春山已悟篋中紈扇須看鏡
裡朱顏

洛妃

可怪夢中說夢底須愁裏添愁落日春風王子多情不
解綢繆

綠珠

金谷烟迷清曉玉簫春怯餘寒可恨花鈿委地當時莫
倚危欄

壽陽

一片花飛宮裏十分春滿眉端底用流蘇點綴更煩圓

玉槎團

張麗華

結綺塵空樓暗景陽春斷鐘遲紅葉無言在手同成井
上臙脂

次韵潜昭焚香

意絕豈能生慧心清定解通神一穗黃雲滿几故將綺
語撩人

甲煎烟消吐艷鷗斑湯暖凝脂道人机心已盡清坐惟
餐兩梨

紙帳溫雲如醉綺樓春夢成虛知見何須盡絕詩成要
是禪餘
宮樣昔傳心字羅紋指甲爭工往事桃花流水黃塵蔓
草寒風

潜昭九日贈龍團次韵

月碾舊裁玉跨雲爐温浴銀芽九日殷勤相贈淡羅猶
記金花
閱世已成清玩傳觀那識餘甘寶篋政須千襲瓷甌未
許同叅

題伯庸所藏子昂竹石

伯夷清宜典禮子路勇誠冠軍日落虎驚沒羽潭幽龍
走凌雲
胸中丘壑玩世眼底烟雲凜秋岸憤欲澆磊砢解衣深
聽颼颼

墨竹

蘆葉不禁秋色柳枝那解春聲醉閱小窓横幅風回雨
轉雲清

子昂墨萱扇為湖南揚晉母作

墨蝶巧分釵股玄蟬高級冠梁莫厭南州炎溽為添北
戶清凉

雪谷曉行圖

過翼淒、巖谷曠懷納、
乾坤我欲相思命駕人猶高
卧扁門

高彥敬遠山木石圖為紀夢符學士作

身比寒崖枯木心侶浮雲太虛落日前峯堪隱丹青渺

愁予

復成

黃髮蒼顏並鬢白雲青山比肩誰道風流已矣只今圖

畫依然

春雲出岫

駘蕩巫山態度悠揚洛浦精神春去侶歸閨裡月出端
疑水濱

謝氏梅坡

謝家鴈行兄弟一枝偏出南州低昂肯受殘雪瀟灑猶
堪盛秋

劉生還廣信省親就試

萬馬隨雲北上孤鴻趁暑南飛欲踏三山海浪願隨寸
草春暉

頤齋

多言不直杯水異味能生五兵何侶深、閉息丹臺出

日初清

清容居士集卷第十三

清容居士集卷第十四

絕句 七言

團扇圖

玉樹秋殘翠影疎
掩門何處望金輿
昭陽殿裏渾閒事
最恨當年李婕妤

擊梧圖

萬樹梨園已失春
秋聲颯一
起胡塵
君王獨立梧桐下
不見當年鎖諫人

韓幹五王出遊圖

花萼樓高怯翠衾
平明聯騎走芳林
讓皇可是無忠益

一曲涼州恨最深

夜讀唐將遺事二首

合江雨暗裂珠旗
鼙鼓擊、怒促圍不是帝
羈車上去元戎那得袞衣
歸雉尾雲深漢殿開
將軍鐵馬響春雷
太平未睹匆匆去
空憶君王白玉杯

秋山圖

簇、麻姑十二闌倚空
搖落摠塵寰
卧遊京洛誰消得
一榻松風響珮環

童時侍先人泊京口
旅樓一月正對江山樓繁

麗特甚江津流
民散處不可悉數
今皆不復有
追憶舊事因成絕句十首

碧瓦參差第一樓
風旗獵、喚行舟
兵厨有酒真堪飲
不學弓刀也白頭

紅袖娟、舞旋齊鑿江
一曲唱尤奇
西湖院落曾翻得
未識君王知不知

燈火闌珊月色低
少年乘醉馬東西
樓頭畫角聲悲壯
又聽歌聲促曉雞

白葦蕭疎楚火焚
流民草舍各星分
沙田土瘦新耕得
寧死江頭不作軍

朱門高插相風旗千里船行總得知稻米流脂江上去
健軍何處是男兒

日、樓頭美酒錢我冠太守號籌邊鳴騶傳入丹陽館
為是行都過客船

淮馬低如果下驢春風小隊打紅毬日斜臺上人爭看
銀盃分明第一籌

明月曾愁多景樓幅巾長袖是清流金焦山勢元相望

不揜諸公富貴羞劉改之舊有山掩諸公富貴愁之句

研山園下將軍宅脫却兜鍪強學儒聞說高堂擁紅粉

醉翻筆陣墨糝糊

白雲一片愁千疊此地重来百不如空憶當年覓梨棗

小樓燈火了殘書先人課子最嚴時在旅樓不廢講誦

雪中招虞伯生祝丹陽

空林一色十分春羞殺高眠獨笑人喚取東坊虞博士

紅爐同點奪胎銀

金芽初熟白醴、袖手鑪邊求盡開為請招真老高士

且須騎馬抱琴來

梁山灤

千頃芙蓉送我船碧香紅影弄娟、梁山風景能消得
不到西湖却十年

支家口

蕩底天鷲襟櫓聲南鄉今有幾長亭錢湖未盡滄洲興
卧看荷花十二汀

黃河

乘槎使者問河源織女相逢事惘然從此競傳天上去
不知滄海幾桑田

耿山

一簇山腰總賣薪語音猶是舊吳人江湖水闊從今住
更肯輕生學買臣

古黃河口

溫々河水侶湯泉送我南歸意萬千入海定從天上去
不知重會是何年

黃樓

詩到徐州不用題危濤千尺壓金堤羣峯翠盡蘇仙去
萬古黃流日又西

伏日度淮

伏日陰々盪棹船詩腸冰雪碧淮鮮黃塵自是人間暑
不識薰風在五絃

過高郵

一片歸雲一片帆芰荷深處綠蒲灣鷓鴣可是無情思

不及沙鷗自在閒

甓社湖

甓社湖中新水清
風牽荷帶引帆行
靈妃夜度霓裳冷
輕折菱花翫月明

聞見

飛蝗眼見度淮鄉
又聽吳田水渺茫
總怨春來雪五尺
變風變雨變年荒

渡揚子江

一舸中泠烟雨飄
片帆閃閃浪招招
倚闌僧在半空語
南去北來今幾潮

俞光遠治余別墅口占奉謝

種竹澆花俟我還
花成雲塢竹成山
相逢且說相思恨
更說何時得共閒

周子敬三年不寄一書口占奉寄

伏日松陰酒一壺
抱琴身與鶴身癯
故人天外慵傳信
惟憶楞伽是舊書

聞仲正新得掌珠道中奉寄

知君已厭添丁事
與我同看納甲書
別後匡牀清夢少
春來又獲掌中珠

懷應德茂

瘦石支筇偈仄吟吳山雲冷越雲深江湖老盡誰知己
獨聽寒泉響玉琴

明皇醉歸圖

日暮毬場醉欲歸停鞭更進紫霞杯老髯未省霖鈴曲
猶願君王款一回

過故人墓

湖曲深鎖墓田種松成本起蒼烟欲窮精爽周流處
雲在青山月在天

送昌上人

江南山水一枝藤更上雲中第五層昨夜西風傳鴈信

露華如雪月如水

方袍圓帽眼如鶩問訊紅衣不點頭剛道西天同佛住
瑩篴琴瑟勝南州

題葛仙翁移居圖

翁媪相携入翠微轉頭猶有可憐兒丹砂不是神仙藥
勺漏歸來鬢已絲

黃松瀑索酒

殘春聽雨元無着恰似槽牀淺滴聲活水飛花誰駐得
願隨小榼夜深傾

祝丹陽飲馬圖

天馬從來不受塵
水清深愛自由身
髯奴未識相忘處
手控青絲強屈伸

舊春花下與東嘉
周子敬聯詩有人到
中年始憶家之句
余坐舟中五十日
回憶此詩作俳諧

體奉寄

平生愛詩復愛酒
晚歲畏名兼畏茶
年過五十不歸去
底用中年始憶家

四明衣冠山水窟
入道風流勝永嘉
爾來愁絕各閉戶
方信中年始憶家

我眠船中五十日
飯有飛塵髻有沙
古言墨頭須萬里

底用中年始憶家

春風一架爛金沙
憶昨同醉遺烏紗
山東禁酒不得飲
方信中年始憶家

題鄭潛昭玉堂藁

雲漢天孫古錦機
秋風槎上解相期
迴鸞舞鳳曾翻得
不用人間五色絲
春睡牽人渴思濃
小寤誰贈密雲龍
自憐舌本那知許
急寫緘題侶舊封

宮娥夾碁圖

爭先春色在眉端
圍坐佳人着意看
可是相憐饒不得

東風自怯五更寒

求酒

為愛雲房酒盞清消，殘溜滴春聲夜來梅月十分白
嗅盡梅花看月明
輕、梅花春風面却似道人微醉時只恐花飛失君意
更酌叵羅歌小詞
小詞歌徹飲叵羅一寸清霏奈客何意外馬蹄猶不住
誰道江南春水多
我家舊釀碧琉璃色壓花枝朶、低顏怪春深未歸去
花下杜鵑應亂啼

伯生約賦竹枝詞因再用韵

君家竹葉江水清我家竹枝三峽聲三峽水隨江上去
回首望鄉終眼明

族、青帘蕩子期飄、紅杏三月時青帘紅杏掩輕薄
自展碧箋書我詞

暮雲纖、如越羅勸子不去知子何桃花水深放船了
却憶關山塵土多

愛君酒滑、如泥白眼又手頭愈低南隣琵琶不堪聽
自舞柘枝驚春啼

舟中得功遠瓊花露戲成三絕

瓊花瑞露十分清
客裏相看眼倍明
自是江南春色好
錯教騎馬到京城
平生嗜酒不端飲
最憶停杯微醉時
花下盈一侶相待
莫教春倒最濃枝
繁禧觀裏花如雪
留取清陰待我來
應有真一花底坐
生香一曲舞三臺

梁山灤

梁山水灤八百里
容得碧鷗千萬羣
愧我扁舟數歸路
晚風掠陣入蒼雲
嫩草豐茸間軟蒲
一川晴綠映春蕪
平岡散牧分雲錦

簇一斜陽是畫圖

大船曬網小船罾
知是吳儂喚得鷹
共說五湖難住却
朔風吹雨捲千滕

仲章以余賦瓊花露日成陽臺之句次韻

月下看花一氣清
羨君不飲更分明
五雲破曉迴歸馬
疑上天邊碧玉城
我愛瓊花賦酒詩
雪香憔悴可憐時
平山芍藥開如斗
擬揀肥紅作贈枝
相如肺渴非閑酒
多病却迴江上來
可是春風消不得
白頭吟憶舊琴臺

送危功遠

翩、海燕近宮城的、天鷲度上京癡坐江南未歸客
夜聽春樹哀潮聲
居庸關外雪模糊族騎分明似畫圖猶有深春後歸鴈
見君曾宿洞庭湖
天柱峯前第一詞風清月冷鶴先知京城可是無吟思
眼看飛花下筆遲

送吳成季五絕

墻東杏樹花千片、片隨風到馬頭只恐花飛不解走
度關時節暮雲羞

北雪初消未見山馱鈴聲襍佩珊珊、廉家池館春風好
獨看牡丹惟我閒

上京新酒玉津、薄醉深春惱殺人截取當年釣竿竹
捲筒相寄不嫌頻

詩瓢淅瀝風前樹雪在深村月在梅從此不須生感慨
晚寒更上望鄉臺
鼇峯路與仙峰近取次詩筒日往來慙愧阿戎松下坐
洞門深鎖碧桃開

長沙鄧醫年七十餘遊京師二兒扶小車得酒
即醉類有道者劉充之號曰壽軒且令賦詩

大兒椎髻小兒了拍手青天在小車剛道人間易榮辱
醉歸齊挿碧桃花
南極星明湘水邊七還猶是小行年囊中紫粉誰傳得
酒盡君歸我亦眠
醉面頰如紫玉盤天風吹上月團圓擬翻新譜朝元引
雪壓梅花鐵笛寒

平原賈氏戲綵堂

鶴髮稜々水石村飛花蛺蝶舞兒孫人間朱紫爭新取
落日微茫正倚門
晚訪仲章不遇

小院春濃落照間碧篁相對乳禽還晚風陣歇遊絲盡
留得歸雲在屋山

梅溪圖

玉人楚々意逍遙隔水携琴不受招回首芳林真嫵媚
春風歌館聽吹簫

三迳圖

遠舍山青流水新春風吹玉綠勻々意行已復支筇去
從此何須問主人

靜芳亭

簾外羣山當畫屏白雲如水度中庭松花落徑無人掃

失却莓苔一半青

貯香亭

長安何處認飛花片，相隨十萬家。惟有碧桃天外種，露華清淺玉交加。

大年宿鴈圖

寒夜沙汀睡已成，鴈奴翹首獨深驚。朝陵間說燕王事，恨殺人間兄弟情。

次韻馬伯庸應奉絕句一十八首

玄都觀裏桃花句，沉香亭前芍藥詞。今年春風似憐我，明年春風更相思。

肥紅盈、錦步障淺黃深、綠油幕絕憐。舊嫁小娉婷

一曲生香泪雙落

垂髻雙、白馬郎看花不語愁。晝長堂前有婦不肯守

遍看吳姬與趙娼

綠柳高低千萬樹，翠竹橫斜兩三家。妾非江南蕩子婦

不許郎君烏帽斜

五臺山前雪如虎，千古萬古搖銀光。驅馬莫飲澗邊水

澗水能令馬穿腸

小樓昨夜聽琵琶，推手却手怨王家。不辭遠嫁盧龍道

可憐長城骨如沙

海南不愁珠翠少家、共籠秦吉了夜聽吉了似秦聲
賈客年々不知老紅衣夜唱娑羅樹云是西天好兒孫吹螺日飲官法酒
笑渠騎馬傍人門吳兒蕩漾楚兒癡酒酣垂手索題詩桃葉不傳渡江曲
竹枝空歌三峽詞老鶴攀松舞月色哀猿坐樹啼天光一喜一悲盡今古
慷慨不如秦舞陽誰家弄玉矜少年採蓮艇子歌娟、轉首那知顏色老
猶抹橫雲啼鏡前

京華作客不知老燈花明滅搖寒房為問涉江下灩澦
何如種竹滿簷簷

金門羽客恣狡獪清曉玄文總不看朝騎白馬穿闥苑
夜乘白鶴下天壇

妾顏不比天桃枝妾心不如傾日葵羞着主衣當筵舞
蓬髻荆釵却自宜

燕山芍藥大如斗千朵萬朵凝春烟健羨南京馬供奉
醉着宮袍不上船

向曾六月桓州住雪歇前巖散冰樹王郎馬郎太愁生
兩騎双、辭我去

吳門艇子淮南船我慣乘之眼欲穿老來愛酒不得飲
歸向桃源種秫田
烏靴窄、稱宮袍雙鬢風翻見二毛聞道中山止十驛
急須乘馬釀松醪
還馬伯庸文稿
乘槎深夜問支机天女流梭舞鳳飛回首人間金粟尺
剪燈愁製五銖衣

逸馬圖

瑤池宴罷周王老牛首蛇身騁恠靈漢使近從西極返
龍媒元是世間形

試馬圖

二駿翩、勢並驅轉頭槽櫪提庸奴秋風萬里雲容與
不用青絲強繫拘

散馬圖

秋盡平原草樹空冷雲嗚咽侶呼風太平天子橐弓矢
留得閒身落照中

次韵繼學伯庸上都見寄

陰、樓殿水雲蒼鳩鵲風微夏日長渾似醴泉宮畔境
千官齊立從文皇
紗縠單衣珮水蒼碧牋裁詔繭絲長日斜双入通明殿

雲母屏前對玉皇

相思盡日鬢毛蒼
赤土塵深怨路長
忽憶鏡湖明月夜
藕花清淺棹餘皇

題危功遠山水

雲作模糊水作稜
玉峯深鎖鐵崢嶸
欲問先天觀前路
釣叟捲篷終不鷹

孔節婦表門

鳳逐麒麟天上飛
深鐘涼月獨鳴机
風猶是人間世
華表亭、護落暉

墨梅圖

鐵石冰霜百世身
疎明瘦直一生真
玄雲借我凌寒使
直上釣天試早春

雪繭輕蒙絕點塵
小窓晴日得橫陳
夢回猶記溪橋路
黯澹相看似喜人

蜀女繡牛圖

絕壁連雲翠木稠
五丁空作蜀王羞
浣花女子聞鶻苦
綉作春風萬古愁

錢舜舉折枝菊

醉別南山十五秋
鴈聲深恨夕陽樓
寒香侶寫歸來夢
背立西風替蝶愁

子昂控馬圖

雪積流沙冰歇巖天池飛舞入穀函奚官可是相拘檢
笑領春風白玉銜

渡水羅漢圖

洞口泉分岸渺茫意行的、水中央相看搃絕神通想
不用折蘆歸故鄉

次韵繼學天寶宮禱雨見懷

小着羅衫涼似秋梨花寒重雪交流瓊林宴罷傳宣急
不許祠官用虎頭
的、雲團白玉盃可堪羊角兩驂開松花深處塵如雪

知是龍蹄鶴未來

千林紅紫鬪京城一朵姚黃露有聲惆悵可人何處覓
獨行花下到天明

新雨悠揚人未歸遠山凝碧綴雲衣捲簾擬作庭前舞
點、團砂柳絮飛

送嶼上人

玉几前峯慘翠顏瘦藤挑雪度三閩黃塵侶作松花落
歸鴈南來我北還
東南蕭寺梵王音禪榻蛛絲薜荔深我欲與君同面壁
首拚双屐挂松林

東溪老子詩三畧的、瑛盤貯夜光擬把玉簫松頂坐
穿雲吹徹九天涼
月映寒燈雪映蒼故鄉夢斷酒初快因思舊宅梅霖後
新竹齊抽碧玉尖

寄天童岫長老

太白山高雪四圍孤峯翠織五銖衣誰言老子寒無力
獨擁紅爐更下幃

贈南嶽道士歐陽君

丹鼎芙蓉生玉牀紫泥封固結玄霜道人急歸巖屋守
不使月明騰夜光

崔白竹

昔年家住篔簹谷葉、凌雲對此同近日畫師爭斂手
垂頭疑在柳陰中

往歲南歸商隱長老遠惠佳句不獲承賦次韵
叙懷

席帽京塵廿載強風前散髮白於霜芸編不檢蛛絲罥
斑馬專門萬古香

桑乾嶺上是天心萬樹松花積翠深兩度灤陽三伏節
片雲飛雪是晴陰
烏紗承笠霏、土短袖持鞭窄、風冬盡不知梅蕊白

春來深愧杏花紅

商隱長老以余歸喜溢翰墨愧歎之餘次韵以謝

少年學道惡加鞭
掩息支頤絕語言
玉几老禪曾對坐
茶甌如雪閉寮門

沈、雲頂絕天風
不展袈裟萬念同
眼見承師傳妙密
虎丘殘塔夕陽中

龍歸石落無消息
碧眼長身振祖傳
江上白鷗元不碍
潮迴月出滿樓前

春日奉

旨侍祠太乙朝罷觀齋中紅梅花

歲春塢裏功夫密
一、羣英點絳唇
共道紫皇分上瑞
須知太乙露天真

斗柄分明指孟陬
紅爐橫簇化工收
先皇寶曆今重
建應許南枝在上頭

次韵砥平石

廿載冰霜興已終
復於馬上送年窮
双峯閣上凭欄立
疑有子規啼晚風

燕山長驛四十五
雪擁金臺玉作層
疑是黃蘗消不得
何年投老得依僧

我翁綠椀舊精廬
樓閣連雲画不如
贏得高人歌枕卧

膽瓶冰蕊落冬餘
恩師高住湖邊寺
清言協律近陰何
砥師平地湧金仙
不詫虛空不說禪
我往來增白髮
雲龍新碾汲清泉

省菴

三十六宮春寂
月華如水碧雲真
空齋宴坐天心轉
知是羲皇太古人

姚子中左司墨竹

雪花摇曳被春欺的
琅玕侍玉墀
千歲玄霜誰拾得

紫薇花畔寫參差

斗巖

搖光遊戲下塵寰
曾被山僧駐不還
從此夜深隨鶴度
玉衣清淺珮珊珊

歸德王瓊母表閣

寶奩香鎖繡羅衣
不許春來蛺蝶飛
得見慈烏好顏色
門前槐柳引雛歸

西寧李處士碑

元復初作

堂吏部睢陽叙耿
中郎有道碑
點檢清河金石錄
的於處士絕諛辭

博平王獻妻徐氏表閭

無子無夫鬢影蓬
兩家王母事相同
王逢原妻
宋史有傳
臨川妙
筆傳青史我輩空
令兩耳紅

離宮圖

龍首渠開王氣埋
淺沙殘草認天街
當年金屋寒鴉聚
時有耕人拾寶釵

子昂逸馬圖

神駿飄飄得自閒
天池飛躍下塵寰
青絲絡首誰收得

留與春風十二閑

通叟狀元以秘書滿職言歸泊然若無營者
楠舊與

殿廬詳定得通叟卷氣完以充議者爭緘口今其南

歸以子昂西馬求言愴然以別吾徒之責深缺然矣

至治元年八月二十九日楠書

薛濤牋

蜀王宮樹雪初消
銀管填青點
描可是春山留不住
子規聲斷促歸朝

十樣蠻牋起薛濤
黃荃禽鳥趙昌桃
浣花舊事何人記
萬劫春風燐火高

理皇題馬麟荳芳佳木圖

上題丙
午歲

重慶城頭翠木圍
陽羅堡畔荳花稀
卅年竟換人間世

絃管西湖認落暉

丙午至乙亥恰卅年

題寒拾圖

三人携手共嘲吟
古殿修廊自在尋
石壁忽開靈怪絕
可禁飛瀑海潮音

舒貴和以黃菊相贈賞挹逾六十日短句奉還

深碧齋

九秋風度玉精神的
寒英不落塵還向清齋調火候
明年散作萬枝春

雲峯圖

融、洩、互、低、昂、絕、頂、瓊、剋、白、玉、裳、聞、道、溪、南、三、尺、雨

道人推枕召髯羊

楊節婦傳

鳳簫吹徹碧雲天
眼見孤凰汨欲穿
回首春風三十載
槐花如玉柳如綿

宮女賞花園

一架薔薇錦障稠
滿庭蜂蝶替人愁
玉環已侍昭陽殿
側近傳杯得自由

宮女度曲圖

望瀛法曲紫霞觴
更按伊州奉玉皇
翠竹涼深宮院密
新聲那得過宮牆

靜中齋

玉宇寥々星斗沉千林籟寂印天心羲皇猶是人間世
嶰谷參差不用尋

張氏承祐堂

幼弄青梅共繞林白頭舉案話尊嫜竹花已老桐花發
雛鳳參飛列画堂

題何尊師醉猫

縱橫社穴恣穿窬抵掌摩鬚不奈渠賴有連錢能遣醉
晚風殘日卧庭除

題初平起羊圖

舊跨髯羊入帝青天瓢如注散清冷明知制氣歸吾手
好與松間護茯苓

題鮮于伯机拱北樓樂府

氣湧如山壓海潮高楼明月更吹簫從茲徑直虛皇筆
春蚓秋蛇擅市朝

簡馬伯庸

象榻香濃翠幌春美人倦繡態橫陳平明欲進朝天襪
小立蘭燈熨貼頻

山水圖

高閣何人傲獨醒蒼松流水倍分明絕怜艇子搖山影

猶與行人管送迎

書懷

二紀驅馳鬢已斑
臨風數鴈悟知還
山中舊種松千樹
從此歸休手自芟

三月廿九日女孫生朝
今七歲久客京師未嘗

食其湯餅舊見林
麝齋為女孫作絕句事適相

類瑾子云當次林韵且錄林詩於後

福慧曾傳兩足尊
願將清貴屬高門
大家女誠夫人筆

付與袁家第一孫

憶昨華光侍至尊
袖香清曉候金門
舊留書冊今猶在

時放漁竿教女孫

原倡

隱居放言

憐子憐孫玉雪顏
更憐諸婿守家山
若教搃使紆青紫

老盡京師更不還

古道寥々世不聞
麥舟高誼薄青雲
邇來忽作苞苴看

買得南宮免校文

以琴絃寄永嘉周子敬

五色鸞膠世莫傳
春雷迸石響流泉
永嘉七十四居士

玄鶴來時就榻眠

克民圖

泰定甲子題

衢尊深酌舞蹁躑鼓腹行歌樂自然共道帝堯新紹運
九州重見上元年

育王長老見惠茶瓜次韵奉荅
玉几峯橫寶塔前彌天消息是真傳蒲團檀板都忘却
侶笑當時手指天

迸石春芽寶所藏枯松手拾煮深嘗能令星斗珠璣綻
要使江山錦繡張

道人種玉光千頃深陋長安畝一金只恐冰霜難下齒
特將妙語助清音

蜀江圖

三峽盤渦灩澦堆層巒百丈鼓聲催從今盡向金牛路
杜宇深啼喚不回

巢溪堂

風攪危巢樹、秋更騎牛背濯清流舉頭總是人間世
朝市山林且自由

餘慶堂

閉門春熟酒醪香深夜書聲度北堂不羨崔盧官譜好
盛栽松竹俟成行

題李士弘墨竹

漫山桃李艷紛紛、歲晚相看有此君昨夜墨池新雨過

淡烟輕掃一牕雲
碧海無塵玉作壺
琅玕清淺露流珠
相思忽憶侯都史
為爾疏封墨大夫

題管道士雷谷

古竇陰一線
泉中有伏龍
方畫眠何人
握固坐其下
霹靂送雲催上天

盧溝符氏酒亭

茅屋疎烟報午雞
金沙清淺水亭低
羲和勸汝一杯酒
勿與行人東復西

牧羊圖後有閻先生詩次韵感奮目成二首

嬰兒御氣草堤眠
能使双羊合自然
莊叟不知蝴蝶夢
覺來重作養生篇

玉質堂一地下眠
雲龍風虎各加鞭
松陰舊日趨庭客
整佩蘭皋駐集仙

李唐牛

穠穉原空蟋蟀吟
秋來乞得自由身
平蕪又見鄰一綠
復與田翁共苦辛

閔思齊調閩府

榕葉陰一荔子丹
碧巖深處漱潺湲
秋聲只在瑤琴上
曾聽龍吟香鬢間

道山堂上文書靜寺、題詩滿碧蕉昨夜海神隨雨過
綠牋為作小詞招

水仙圖

日暮佳人十二鬟臨風解佩意閒、當年曾立通明殿
笑押蛾眉第一班

百鷺圖

紫宸深處立清班聽履雖、得自閒歸向江湖尋老伴
展圖猶在五雲間

清容居士集卷第十四

清容居士集

禮闈倡酬

乙卯

次韵禮部李公二首

明詔傳巖谷携入帝京心同蛛網織意擬鵠巢營

選德圭璋器掄材杞梓楹龍門能化鯉端不負平生

黼坐思文渙號行鵠袍林立萃天京釣絲已具六鰲

手彩筆誰專五鳳名寶鑑懸空深照影神鋒躍冶莫容

情百年礼樂重開運此道何須問兩生

次韵監試李仲困御史四首

高墉護修庭列仗嚴棘闈昭代闡文治多士舒且遲謬

言職緘滕晝日深下帷昂、子大夫咫尺瞻天威願罄
烟歎忠少奉白玉墀直言諒無隱寧惧非與萋

中朝尊壽後入徵垂安車念彼巖谷生惠然命來趨鵬
飛企天池鳳息思高梧煌煌六籍功不與稊稗俱明皇
燭遐邇追琢璫與璵雅詠廣棫樸仁風暢騶虞

高堂集羣英搖佩蒼玉寒朗鑑明月高雅量滄海寬上
承丹宸心舉逸修廢官孺童入闕內芝叟辭商顏陋彼
馬上翁慷慨空溺冠

皎、鵠袍子旅進翔廣庭明時昭曠典如醉眸初醒稽
古迺正學敢言效桓榮昌歎詎正味咸池在希聲古云

儒匪迂雍容佐文明餘思續皇雅黼黻歌昇平

次韵郭巖卿

清穆黼坐更化絃儒館集議招列仙玉堂射策興羣賢
鵠袍賈勇思登先輪囷奏牘誰三千利若武庫森矛鋌
巍如繩直清廟堦常山之蛇首尾連胸臆結約言不愆
我、相國水鏡懸手捧詔墨金花鮮大為梁柱小杙椽
令嚴虎士齊烽烟遊絲日靜風翼翾羣曹坐井難觀天
大鈞橐籥品物甄代天有命司其權錙銖美醜精評詮
方臯相馬遺黃玄嫫母敢作千金妍工翰守度成方圓
萬目一口非幸然斟酌損益牛無全慶雲五色采愚邊

彤廷珠貫臚聲聯明堂正席開九筵扶杖觀化嗟華顛
煌、龍榜天門前金吾控騎青絲鞭夾道動色爭駢肩
詩書往昔成遺捐聲教丕合今無偏瓦金之注同一埏
慎勿逞說窮雕鐫 皇元文運齊天年

秋闈倡和丁巳

次韵席士文御史

至道白壁重小言浮雲輕詞場次先後理致貴坦明捧
心匪正色偏師乃奇兵駢、白袍子昂首爭疾行味道
絕嫵媚清心養和平謬誇御史公惧我遭訛評當道謝
駑駘朝陽歌鳳鳴

次韵士文感興

宣尼倦遊躅冥思立天紀洗心悟盈虛應物合叅倚羣
雄爭霸盟騁意立私史崎嶇東周君削弱絕統體約言
正墜典執筆乃托始後王迭雄長正閏亂朱紫說叻江
海深短長爭四起大羨實鉤鼎玄冕表朱裏返真非無
人末派失玄理金碧騰虛空謂是不死或言影響功
駭愕壓餘子齋居玩芸、作事首存悔洗心探義又變
動實由已神珠守深洲潤光怪孰可比矯、林中鶴潔白
不受耻紛、堂下蟻聚羶亦無幾流光企羲娥慎獨守
素履之人金石心年運任坎止中年勇聞道晚歲復未

已驅車望前川操轂敢濡軌

八月二十有二日范景尹同會秋闈 天使傳
召命 溫問試策貢士 賜以法酒 臣楠等望
闕再拜以叙飲 謄錄官翰林應奉 臣翼述其歌
詩謹用次韵

五雲間闔祥鸞流 紫皇御極圖神洲 魏煌京師首文
化計吏四出巖阿求 城南儒宮極蕭爽 古木落月凝清
秋麻衣東西白 鵠峙烏帽高下寒 鴉稠朱顏廣 顙聚胄
子佩服鱗 礪懸吳鉤兵 竒歆奪趙氏 壁氣盛直卧元龍
棲范侯 机深妙彈壓 雞翹蚤歲承 宸旒傳宣 溫訓

慎去取瓦釜勿以黃金酬 宮壺午傳瑞露重 翠質縝粟
緘封周微臣 望拜感莫語 願上史館書 徽猷百年墜
典起盛世 慶雲五色開 公侯興文云 初道任重滄海浩
渺難方舟 眉山之蘇詎常士 過眼獨賞須梅歐 夜闌心
掉不得語 瑟縮凍叻歌 丕休

次韵王正臣書史試院書事二首

貢士搜天巧 經營縹緲間 露虫吟嘖 雨葉戰潛 董
賈稱醇正 揚劉陋險艱 銓衡同水鏡 辱贈不知還
古殿蒼雲裏 疎星出樹間 案燈光閃 簷溜滴潛 便
覺登瀛易 誰言與選艱 白頭心更苦 滄海探珠還

次韵宋質夫應奉秋闈書事二首

廣寒清徹桂花黃影落空庭夜露涼
七札巧穿誰矢直
六鷲連舉我竿長神清難入華胥國
賦古須看古戰場
一朵紅雲傳湛露夜深齒頰凝天香

草廬星列藉寒莎欵擬陰中事若何
倚筆看天塵境絕
袞辭翻海怒濤多持衡要使心常赤
題榜誰言髮盡皤
盛世崇文徧寰宇遺賢寧肯老巖阿

次韻席士文御史六首

煌煌文運起賔興樸學無知謝未能
北斗夜橫東壁正
露簷危坐獨凌兢

槐木森森雲影開諸生曳履起輕埃
明河可是人間物
端用乘槎八月來

文鋒鏖戟白差差沉着無聲午漏時
掣海碧鯨翻古製
翔雲彩鳳吐芳辭

倚筆看天思獨難庭懸秦鏡敢歲奸
東方射策三千牘
始信明時取士寬

多病支離百不堪挑燈眼眩罷清談
廣寒果有娑羅樹
須踏天梯上蔚藍

烏府先生玉雪清論文冲淡去浮輕
要令我輩平如砥
不使輿言負聖明

秋闈倡和 丙寅江浙

至治三年八月十五日乘駟騎抵榆林于時善
之祭酒仲因學士伯生伯庸二待制同在驛舍
觸感增悵今忽同校文於江浙曰述舊懷

萬馬穿塵入渺茫遺臣一日九迴腸碧雲碎、琉璃影
白月離、菡萏光鴈足無書來海島龍鬣有恨達衡湘
誰知此日同文館把手无辭醉十觴

三十年前與倪仲深泛湖作中秋今幸同與校
文中庭月色如畫短句叙舊

昔年同汎凌風舸白眼論交屈指難楓葉參差山影矗

藕花凌亂水聲乾我方烏帽穿黃霧君正羊裘漱碧瀾
歸隱始知人世換無端此地更憑欄

中秋東周儀之推官伯明都事兄

氣與西山爽氣高酒酣燈冷各稱豪不隨北雪追燕騎
徑上南雲踏海鰲桂醕的知伴沆瀣蔗漿端可敵蒲萄
衰年投綬慙真隱更為君王選俊髦

汪叔濟推官鄭復初判官周本道判官同校文
江浙因思歐陽克公王岐公事正相類不可無
一言以成故事短章述懷

長冠黑髮雁行齊謹對彤廷陋木雞直以中聲生玉瑄

更將五采藉玄圭文章瞻覈期穿札經術精深鄙印泥
我輩直須雙目炯肯令餘子誚昏迷

次韵段省掾

妙筆翻空歷杳茫更馳紫電騁沙場珠璣已綴三千牘
芥蔕能成十二章易水臺高招國俊廣寒路近裛天香
相君盛德憐駑劣給燭分茶與激揚

再次韵

白頭歸隱髮荒一那識當年古戰場文雉朝陽金吐綬
潜虬迸霧大為章才超董賈文如織語壓淵雲墨有香
會見彤廷冠多士始知我輩陋宣揚

輓詩

謝尚書

學易書臺地

資州有李昂祚讀

詞林起壯猷家空辭蜀

道祿薄度南州

曾知封州復

爰石雲生坐看書月過樓

淒涼甬水曲風竹自蕭颼

晚歲功名異蒲輪礼數温嘉謀傳竹帛肥遯寄丘園散

號南儒貴

自號為勅

我冠北客尊冥一乘鶴去空想典

刑存

史觀文

奕世調元貴東南第一家紫綸傳密札綠髮擁高牙往

事霜前木餘齡霧裏花陽明真洞啓跨鶴整飛霞
故國衣冠聚凋零獨此賢勞生樂蟬蛻遺魄寄牛眠丹
旒前官貴青箱舊物全哀榮今莫比茄鼓鬧晴川

李宣慰思衍

宏才卓犖聳羣雌悵望心期晚歲遠江海夜長談舌壯
關山春斷客魂飛批風給月文空在逐電追雲事竟非
神理繇、那得盡冢頭新柏翠成圍
白首功名汗漫休一官鍛翮玩清秋終憐蕙苾難消瘴
肯用蒲萄強博州萬事浮雲今已定百年公論與誰謀
羊生未洒西門泪落日寒江水亂流

史猷父

少小昂、意長冠脫綺繻交游金谷聚談笑玉山扶舊
雨三槐宅西風五柳湖空令後生輦彈缺陋為儒
妙語千年簡英姿百世期忍聞淮水絕不見雍門悲往
事雲歸壑空言水覆卮相從今已矣寒泪滴水漸

王尚書

秋水雙蓮孕英、吐異芬詞章納雲夢禮樂訂河汾丹
詔三軍泣清名四海聞西峯傾落日乘鶴叩蒼雲
晚歲艱難意衡門老病身蜀山迷望帝楚澤痛靈均皮
弁終辭名深衣晚任真蓋棺今已定千載有遺民

燕說經生濫齊諧學究輕微言空有意獨拍已無聲墨
澤雞林貴青氍虎觀榮新銘前進士幽抱付誰明
再世登龍奮淵源許管窺西山遺正緒東澗結冥知腹
筭名空在眉梨壽竟違重歌妾薄命寒泪滴塵瓶

楊夫人

丹桂香殘紫菊薦轉頭何自失芳年錦裙舊繡空為記
玉軫新聲已莫傳散騎文成殘月淚彩鸞書罷白雲仙
人間摠有相思恨不用松風激澗泉

潘少白

星曆張平子丹砂葛稚川書田終晚歲酒國送長年世

味雲行水心期月印天諸郎聞競爽蒼碣定重鐫

史湖州夫人

清白吳興守稜、老吏師風霜塚上木玉雪間中儀種
德桑千本傳家桂一枝春暉有餘報遺範合蒼碑

文集賢

家聲垂宇宙更作列仙儒表粲那無傳嵇康已不孤金
雞官驛暝白鷺古洲蕪不盡修文意端從地下圖
死者不可作家兒嘗自嫌奉輿薊門角叱馭越山尖猿
落三更淚霜飛六月炎人方愛嵇紹我亦愧陶潛
前朝三百載慷慨盡斯人天地有消息江湖多賤貧許

人憐老母叱馭作忠臣邂逅成丘首猿啼侶有神

黃夫人

錦堂鶴髮玉稜層猶是承平舊典刑鸞誥日邊傳御札
狨鞍花外候仙輶室如明鏡心如水庭有斑衣案有經
回首人間真蝶夢澗松搖佩起冷

章斯遠

學道求仙二十年飲水齧雪竟蒼然錦机斷幅朝元賜
銀燭殘膏醮斗傳役鬼有靈符絕筆燠金無術鼎飛鉛
昨宵同我階前飲今日憐君地下眠
烏府先生聲侶鐘希年噩夢喜溶、擬看廣額傳青簡

誰信方瞳學赤松秋月白於銀鑿落夕陽紅侶錦芙蓉
燕山甬水五十里從此空飛滅去蹤

張道士

海上神山十二鬟思君疑在有無間桃花褪水青春急
柳絮團風白日間芸室燈昏螢閃、葉壇雨冷竹斑、
它生款了重玄事煩乞神膏駐好顏

吳君載 金谿人

妙年玉雪佩幽蘭塵尾英賢接徃還萬里出門車折軸
九天無路虎當関青燈黃卷家仍在古木清谿福竟慳
賴有韓公三世舊已將椽筆誌瑤環

夏昭文

晚歲心清眼界平
看雲投幘養情名
徒令化鶴悲滄海
不見迴鸞下玉京
觀物無心玄草滿
愛吟有句墨花輕
蒼山日落簫聲急
似有仙家白鹿迎

熊處士

三閭千古恨五柳一生賢
石護栽花徑泉分種秫田
松高青耿々竹淨綠娟娟
歌識淒涼意埋銘手自填

危功遠道士

紅日翳黃埃騎鯨徹九垓
詩瓢風歷々丹鼎雪皚々紫
府調仙掌朱宮育聖胎
相期千古意獨立重徘徊

劉古昂教授

矯々南鵬翼昂々楚鶴姿
剪燈千古事彈鋏半生詩
碁罷黃梁熟歌殘玉樹萎
溽雲催雨急相送不勝悲

成都何德之處士

蒲應奉其弟子也
晚居興元

江漢清秋老岷峨故國身
潛川珠玑璨韞匱玉孚尹逸
興蟬離垢癯容鶴寫神
發矧經席正炙藪辨鋒新
素業書千麓幽居忝一困
非辭魯生徵自樂管寧淳
水近蘋交佩岩低溜墊巾
詩清猿母泣詞整燕雛親
夢往蕉疑鹿書成筆感麟
山觀天外象梅閱靜中春
燐黑魂猶慘槐黃事可詢
極知情惘々徒憶走趨趨
故里傳遺稿空

堂象素真故人調
鬻爵弟子演絲綸
靖節名堪繼文中
躅可循悠然端
有意念此竟誰陳

吳饒公

種德槐三樹傳清桂
一枝晚香年款
天爵歲熙
大賚開茅社殊思辨
玉^上宜執謙容受谷詠
道樂沿沂玉帶
朝元服朱顏浴日姿
菊泉便上壽橘井養
清資引竹藤
侵屨看花柳拂庖跨
鞍人共仰扶杖客爭
疑霜暖柑分
釀年豐黍作糜黃封
浮瑞露白醉擁晴曦
京國輸甘旨
鄉閭表羽儀
齊年堂上扁通德里
間楣謂可疇離社
胡然不慙遺烏傷
情有感蟬蛻樂無涯
孝養傾千古褒榮

盛一時誰成太史傳
會俟侍臣碑

王秋山

翩、玉雪養修名
絕頂穿松午日青
別墅忽迴迎客犬
空林猶隱讀書螢
苔荒琴薦春無迹
風攬詩瓢樹有靈
萬疊蒼雲埋玉去
好將銀管寫沉冥

廬陵李主簿 應珮

青衫黯澹畫圖中
鴈塔塵深進士空
可恨餘勲收汗馬
極知往事費雕虫
暮年榮辱非吾意
此道升沉屬至公
松竹蕭、自今古
清秋裁些託冥鴻

趙令人 永陽郡王 與茱萸

靈漢雲昏彩鳳沉參差聲絕露沾巾高堂玉樹竟芳殞
寶篋金花空素陳鮫室不知珠滴泪仙壇曾見海揚塵
百年精爽真冥會一掬清溪是劍津

吳夫人上饒徐覺民主簿母

玉樹彫殘浩劫遷稜一鶴髮獨清全種桑不作十年計
指廩能生萬竈烟白壁養成玄圃失華堂歌罷板輿懸
坡陀積翠松千本準擬飛雲歸墓田

黃如山

兵後還家意若辛白雲零落泪霑巾松花麩蜜厨常淨
貝葉書經筆有神蝸角可憐蛮氏国鶻聲猶記蜀王身

白頭編簡成春夢的的餘勲付後人

劉伯宣中丞死三十年延祐丁巳歲始得謚忠
憲朝中各為挽詩

烏臺雲黯柏蕭蕭秋雨聲悲廿四橋置獄可能生長倩
入門端不祭臯繇墓前飛鳥傳新象身後騎鯨下大招
聖代昭明青史著願將直筆記奸妖

東平段衛率

壯歲投鞭夜渡江前茅親受百城降後車長物惟書篋
別墅閒情獨酒缸燕憶香銷塵滿榻鶴驚琴冷月當牕
傳家舊有贏金諺手種階前壁一雙

何德之處士

雪色鬚眉兩臉春市中能作笑雲人簪花欲舞鳥啼急
故鶴初迴蝶夢真茶竈烟收門掩畫詩瓢風動筆生塵
婷、小女思翁醉欲剪巾紗泪滿唇

家賣烏紗染入得
且士夫咸取之

播州宣撫楊資德

掌武傳無敵崇儀續上多精忠書竹帛英譽盖山河絕
北驚遼海投南鎮大和襲封緇滿篋錫誥錦成窠皎、
明玕樹亭、碧玉柯之無文綵認宮羽短襦哦魏帝奇
何並唐皇悅李過幼成端有種 帝鑒的無頗玉帳龍
韜秘青箱鳳篆摩教民風偃草撫俗水旋渦斥境嚴銅

柱征戎指鏃戈雅游春結佩小隊曉鳴珂士飽歌于為
軍懽酬巨羅追亡窮古澗濟勝極幽蘿寸地歸王化羣
蠻守詔科細氈伴密續善馬敵名駝客有依劉感人傳
嗣產歌氣融汶嶺雪量納蜀江波葛相功猶在韋王事
若何雲仍賢莫比君長礼無苛閉戶時披褐看山暫脫
鞞填詞鶯轉切促軫鴈聲搓芝嶺圖空想桃源境類訛
盛年真國器妙質竟山阿世德蟬聯備家聲驥子我播
川彌震耀峴石詎沉磨

真定史萬戶

高陽之徒也至
死忽題詩而逝

一身蠶作繭兩曜蟻旋磨投筆入境忘長嘯泉下卧

月流白羽觴風送朱絲絃欲識無生樂熟睡三千年
玉雪陽春五十年詩成書罷珮翩躞擬將北斗為聖主
不向人間酌酒泉

臨江熊君

浮湛元不礙清影透谿扉木落行雲泣山空病鶴飛詩
書誰素業江海獨天機此意何人會哀笳慘暮暉

至治丞相挽詩次韵李仲因學士

重玄開葆命上聖席蘿圖盛德函諸夏深仁浹八區
降靈申作翰稽古禹陳謨初日行黃道羣星拱紫樞神
羊庭辨直貪獸鼎垂模纁帛招賢俊銅金辟佞諛撫牀

論密勿借箸契都俞明月青銅鑑中秋白玉壺律成懸
象魏禮闕補鴻都士進三千牘奸誅十二衢彌縫前後
正損益古今殊相業專橋梓英標瑞竹梧癡墓元有兔
猛虎果非貙內坐占華蓋中階仰泰符令嚴顓白帝漏
下候黃姑萬騎玄雲蔽羣狐黑夜呼銜枚克有約解帶
僕云痛象燬端因齒龍眠竟失珠聞驚燧人氏事異夏
區夫闡戟交馳驛重弓競接途殺青誰執簡泣血漫成
湖史紀羨臯賜經傳齒馬誅陰氛動天地遺痛感樵蘇
故壘烟攢棘荒原燐積蕪邦刑窮勦絕陽澤起萎枯趙
氏兒猶在山公汝不孤勛名昭令甲精爽與天徒帝所

隨陞降神山辨有無

雜詩

破衣僧

撞花楮絲系纂新乃成弊鐵衲及肉身剛柔亦摧毀真
空掃真壤大願開大智渴飲清泉飢欲思美味隨彼
所願心以解嗔惱累王侯與長者糞土金玉貴何以慰
彼思長壽只歡喜壽本同我衣仰箭勢還墜堅忍及精
進設衣以自譬惧彼不信我投焰五采異老僧机已寂
贊歎非本意、絕道始彰從此斷三世

熾盛光佛偈

寶光生虛空旋如火車輪肉眼一見之欣怖難思議謂
光由身生我身與汝同口眼鼻舌心光亦何從出無生
亦無滅是繇定慧成衆生受五濁七曜日鑒臨四餘在
虛空摩盪不暫停列宿直四方好樂各有職或增彼貪
嗔或增彼淫慾居處各侈靡恣飽窮膏脂天神與魔鬼
行住陰伺察爰假躔次環俾汝作疾忒佛言彼有罪須
當盡懺悔若更攘割之安得名慈悲矧此缺陷世植果
會有因臯既從是消福亦從是增般若無損益萬念墮
積劫還彼清淨根衆生永安樂

綠陰堂山偈十首奉寄開元斷江長老

綠陰堂前碧樹齊千枝萬枝雲萋萋
生臺不令鷓鴣舞
禪板時許倉庚啼

綠陰堂前春筍生大着錦裯小織成
老禪一一點頭角
要使叅天來鳳鳴

綠陰堂前初夏涼芭蕉為扇椒為漿
日汲井華三百斛
側聽漁父歌滄浪

綠陰堂前古佛身劫火不壞金色新
笑殺丹霞斷知見
暖得病軀生障塵

綠陰堂前萬境空掩息不語超鴻濛
有人立雪問大意
山神泣走號寒松

綠陰堂前自在時不拈公案不題詩
僧來住夏與竹杖
客去逢春贈柳枝

綠陰堂前秋葉彫湖翻白浪魚龍驕
我有鐵鉢水一勺
彈指送爾歸扶搖

綠陰堂前夏木清千紅掃盡雲層々
有僧忽問柏樹子
斫却柏枝僧始鷹


綠陰堂前結小叅以手直指車司南
現前虛空付大梵
過去功德歸瞿曇

綠陰堂前合自然不學吟詩不學禪
應許清容老居士
睡盡高春猶愛眠

還源菴

沃焦山下水歸東
端與銀河一點通
誰信道人能掩息
手提渾沌擲虛空

清容居士集



程